

Kaba

Rambun Pamenan

DIKARANG OLEH :
SUTAN MANGKUDUN

dan

ILJAS SUTAN PANGADUAN
PAKAN SINAJAN
BUKITTINGGI



HAK MILIK PENERBIT :
C. V. "TSAMARAJULICHWAN"
BUKITTINGGI.

3 13
N

MILIK PERPUSTAKAAN
BALAI BAHASA PADANG

HIBAH
DARI EAPAK LUKMAN KLI
UNTUK BALAI BAHASA PADANG

MILIK PERPUSTAKAAN BALAI BAHASA PADANG

DITERIMA TGL : 6 SEPTEMBER 2000

SUMBER/HARGA : H

KOLEKSI :

NO. INVENTARIS : 3934/H/2000/R : 1(2)

KLASIFIKASI : 899.223.13

Kaba

Rambun Pamenan

DIKARANG OLEH:
SUTAN MANGKUDUN
dan
ILJAS SUTAN PANGADJAN
PAKAN SINAJAN
BUKITTINGGI



HAK MILIK PENERBIT :
C. V. "TSAMARATULICHWAN"
BUKITTINGGI.

K A B A

Rambun Pamenan

INILAH SATU KABA JANG SUDAH LAMA TERKENAL DI PALAM MINANGKABAU BANJAK TAM-SIL DAN NASEHAT KEPADA SEGALA PEMBATJA LAGI MENARIK HATI.

- 0 -

Dikarang oleh :

SUTAN MANGKUDUN

dan

ILJAS SUTAN PANGADUAN

Pakan Siojan — Bokittinggi

Disadur oleh : DJ. M. ST. PERPATIH.

ISI BUKU

Bab:	Isinya:	Halaman:
I.	Puti Lirduang Bulan dilarikan.	1 — 7
II.	Alang Bangkeh mambawo pasan.	8 — 22
III.	Rambun Pamenan mantjari man- cehujo.	23 — 28
IV.	Rambun Pamenan mandapek Tungkek Wasiat.	29 — 35
V.	Rambun Pamenan manudju nagati Tjamin Tarnih.	36 — 43
VI.	Bujuang Rimbo mambunuah Radjo Hangkek Garang.	44 — 53
VII.	Rambun Pamenan batamu djo marJeh kanduangojo.	54 — 61
VIII.	Rambun Pamenan bahaliak pulang kanagati Kampuang Dalam.	62 — 72



Handwritten signature and date: 20/7-64

I. PUTI LINDUANG BULAN D I L A R I K A N.

Kait bakait rotan sago
takait di aka baba,
Tibo dilangit tabarito
djaruah ka bumi djadi kaba.
 Tambilang dirumpun langsek
 tasisik diruang lantai,
 Dibilang sado nan depek
 nan tingga untuak nan pandai.
Banda urang bambo bandakan
padi barapak dipematang
disawok djo daun djarami,
Kaba dabulu kami kabakan
antab talabiah antab takuraog
bakaba pa rintang2 bati.
 Si Abu bakabau banjak
 gubalo di Taodjuang Medan,
 Barilah ma'af banjak2
 tjarito lamo kami uraikan.

Tatakalo maso dahulunjo siapokoh urang nan tasa-
baik nan tatjelak tampak djauh tabarombong tampak
hampia nan batuwah kaluaran urang kejo suko dimakan
muluik manih kutjandan murah baso elok rupupun baik
awak nan Radjo dalam nagari nan diranah di Kampuang
Dalam dibilalang nan lijuak2 disikaduduak nan baselo
disanan malah kampuangnjo ijolah angku Datuak Tu-
manggungang duo djo Puti Linduang Bulan. Anaknjo

baduo baduananak anak nan bagai anak balsa sikua djantan sikua barino nan gadang si Rono Pinaang nan kerak Rambun Pamean. Sadang dek si Rono Pinaang kiro2 baumua tigo tahun dek urang Rambun Pamean tahu manungkuik injo baru kiro2 baumua duo bulan dek lano bakalamoan Allah Ta'ala maoggarakan alah sakit Datuak Tumanggung alah sahari injo sakit tjukuiklah pulo tigo hari rusuah urang kasadonjo manangih Puri Linduang Bulan manangih pulo si Rono Pinaang dek malibek sakit baliau sakit batambah la-djuik djuo. Sanao bakato Datuak Tumanggung : „Anak kanduang si Linduang Bulan sakit nangko batambah sangak raso ka puruik ujawo badan tidak tatanggung doh rasonjo.

elandjawab Puri Linduang Bulan kapado anak kanduangjo nan banamo si Rono Pinaang : „Anak kamari den karokan ; dihimbau sadang bapantun :

Sakin ketek pandabiah pikau
 pikau masuk kadalam buluah,
 Gadih ketek libek bapak kau
 panjakit bak raso ka mambunush.

Kuonulah si Rono Pinaang baru mandanga kato maudeh saugak takadjuik dalam hati alah dibampiri bapak kanduang alah tahu urang sanagari banjaklah dukan nan maubek nan didalam kampung nantun namun sakit batambah djuo.

Dek hatta Takdir Allah djandji sampai adjal bapulang alah maogkar Datuak Tumanggung hapulang karahmatallah hiru biru ditengah rumah manangih si Linduang Bulan bunji ratok ba buah2 bunji tangih ma isak. „O tuan Datuak Tumanggung anak kito kau

ketek baru tagamang ijo nan tingga nantikan ba'a ijo gadang sampai hati tuan maninggakan". Banduanglah ratok maso itu tagampa urang dalam nagari babondong urang kasanan ijo mandjauak Radjo nantun.

Urang lah rapok kasadojo dikali malab pekuburan dimakamkan Datuak Tumungguang kadjirek bagamba urang dibilalang nan lijuak2 alah sudah kubua sakali djenazah dihosong hanjo lai kadjirek bagamba urang di makamkan Datuak Tumungguang alah lakek citai langit2 manucuk 'adat Radjo mati tidaklah tingga sado itu urang babalik hanjo lai. Alah sabari duo hari alah tju-kuk tudjuah hari ijo baliu dimakamkan urang batambah hanjo lai dibantai kabau sikua dipanggia Imam dengan Cbatib halek lah badir tangah rumah. Alah sudah minum dengao makao lalu mando'a hanjo lai urang mangaminkan samuanjo alah sudah pulo sado itu urang mamintak pulang hanjo lai ijo kacumah masiang2 kiro sapakan antarajo aija mato bakulah krtiang sadang ba rusuah2 hati duduak ta mauang2 sadjo.

Kaba baraliah hanjo lai sungguah baraliah sanan djua ijolah pado suatu nagari banamo nagari Tjamin Taruih Radjo banamo Hangek Garang bagala Radjo Aniajo mantjanjang tidak mamampeh mambunuh tidak mambangun bahutang pantang mambaja salah saketek dibukum pantjuang. Sadang dek Radjo Aniajo sadjak ketek balun babini ijo manjari urang nan rantjak tidaklah ado ka djudojo alah sabulan lamo bapikia takana didalam hati adolah urang nan tasabuik rantjaj-njo bukan alang2 tidaklah ado ka tandinganjo anak rang rasah Kampuang Dalam banamo Puri Linduang Bulan hambo alah mandapek kaba bahaso suaminjo alah

Anak rung Koto Hilalang
handak lalu ka Tigo Baleh,
Lakeblah ba'a bujuang gadang
tuorukkan djuo malu mandeh.

Alah sudah anak disusukan lalu cutuun kabalaman sanan manggoruang si Rono Pinang alah naik si Linduang Bulan samo djo Radjo Aniajo ijo ka ateh huruang Borak alah tabang injo batigo tabang ma njsiz awan habih hari babilang pakan habih pakan babilang bulan alah sabulan lamonjo tabang alah ribo dikampuang nantun ijo nagari Tjamina Taruih diturukan si Linduang Bulan dibawonjo naik ka ateh andjuang dilatakan ka dalam karanda katjo dipudjuak siang djo malam injo nan tidak namuah kawin habih hari baganti hari habih pakan baganti bulan habih bulan baganti tahun alah liru tahun lamo mambudjuak injo tidak namuah kawin djuo alah bangih Radjo Aniajo bakato sambia mambangih : „Manolah Puti Linduang Bulan kok tidak namuah djuo adiak kawin dimasuakkan ka dalam pandjaro tanggungkan 'azab salamonjo'.

Sadang dek Radjo Aniajo dinagati Tjamina Taruih gilo mambudjuak Linduang Bulan injo nan tidak namuah kawin alah bangih Radjo Aniajo dihimbau Palimo Taduang dipanggil Palimo Badjau baru ribo injo manghadap saan manitah Radjo Aniajo : „Manolah Palimo Taduang duo djo Palimo Badjau masuakkan ka pandjaro Puti mangko“.

Kouandah Palimo Taduang dibirik Puti Linduang Bulan dimasuakkan injo kapaseban sinan bakato Linduang Bulan : „O angku Palimo Taduang baranti ba'a lalu sabanti“. Mandjawab Palimo Taduang : „Kalau ba-

itu kato atjik baranti malah kito dahulu". Pado sabanta itu djuo dipabuwek surek saputjuak tidaklah pandjang pakabarao dikirim kapado anak kauduang nan gadang si Rono Pinang nan ketek Rambun Pamenan kok lai sampai gadang anak kauduang lihek djuo mandeh kamari badan mandeh masuak pandjaro dilibia rantai bakaluang dirangan palunggu lakek dipinggang barantei pulo makan sidaan deengan babi sabab tak namuah dikawinjojo".

Alah sudah surek dibuwek di isikan tjiojio duo bantuak dek urang si Linduang Bulan dibaritan surek ka si alang bangkeh sambia bakato maso itu : „Tolonglah antakan surek nangko karanah ka Kampuang Dalam ka bakh anak kauduang hambo nan gadang si Rono Pinang nan ketek Rambun Pamenan".

Dek buruang si alang bangkeh lalu diambiak malah surek digungguang dibawo rebang tabang ma njisi2 awan dimano patang disanan bamalam alah tigo hari lamonjo tabang tidak tabu dibari paneh tidak tabu dibari hudjan namun tabang tidaknjo lalai baitu satianjo alang nantun.

* * *

II. ALANG BANGKEH MAMBAWO PASAN.

Kaba baraliah banjo lai sungguah baraliah sanan djuo ijo kapado si Rono Pinang salamo paningga mandeh kanduang nasi dimakan bak raso sakam ajia diminum sambilean mandeh kanduang takana djuo di rintang; djuo hati diambiak kain pandukuang didukuang Rambun Pamenan dibawonjo turun kahalaman. „Adiak den Rambun Pamenan adiak lakeh malah gadang kito nangko bak anak balam sikua djantag sikua batino baminiaik bamamak tidak banjolah adiak nan den barokkan”.

Dek lamo bakalamoan siang djo malam dirintang djuo alah gadang Rambun Pamenan alah pandai baturua; kiro baumua tudjuh tahun bakato Rambun Pamenan kapado atjiak kanduangjo: „Batanjo hambo pado atjiak lai djuokoh kito babapak lai djuokoh kito bamandeh kék lai bantakan malah karano baru takana dek hambo kini”.

Mandjawab si Rono Pinang : „Adiak den Rambun Pamenan kalau itu adiak tanjakan babapak bamandeh kito tidak kan kito anak jatim bapak kito kan Radjo dalam nagari bagala Datuak Tumungguang mandeh bannamo Linduang Bulan alah samo hilang kaduonjo kito baduo hanjo tingga adiak kanduang lakehlah gadang ang surang nan diharokkan”. Sadang dek Rambun Pamenan laloknjo diateh andjuang sadjo mandi baturab ajia bungo djiko diudji ka rantjankjo rambuik nan katua dikaniang dikuduak kadja bakadja pipi nan bak pawuah

dilajang bule mato babantuak tadjji tjaliak mamuraih
rangkai hati djari luruih bak duri laudak mutauk manih
kutjindan murah.

Kunonlah dek Puti Rono Pinang adiak batambah
gadang djuo dari sabari ka sabari balain djuo dipan-
dangi. Lorong kapado Rambun Pamenan sedang tidus
diateh andjuang hati nan rusuah tidak manantu alah
djago Rambun Pamenan dibukak kulambu katudjuabnjo
lalu turun katangah rumah sambia bakato maso itu :
„Atjiak den si Rono Pinang atjiak kamari malah ba'a den
nak barang dikatokaan kok lai sampai sajang atjiak kok
lai hibo dibadan deoai den ka pai mamikkek ka ateh bu-
kit gunuang Lenggo nan dibawah kaju maranti selang-
kan dek atjiak balam karumah Puti Dajang Sudah ba-
lam timbago tigo gojo”.

Mandjawab si Rono Pinang : „Adiak den Rambun
Pamenan apo guonojo dek ang balam badan ang ketek
baru usah adiak ba djalan2 kok sakit pulo badan adiak
rusuahlah kakak mangiroi usahlah adiak pai bapikek”.
Manangih Rambun Pamenan : „Kan baik Allah malah
atjiak tidak ka djawuah den badjalan”. Alah panek injo
barangka lalu turun si Rono Pinang : „Adiak ringga
malah disiko kalau balam mak den djapuik usah adiak
manangih djuo”. Badjalan si Rono Pinang dihilakan la-
buah nan pandjang labuah pandjang liku baliku pudiang
ameh batimba djalan dek lamo injo didjalan alah tibo
malah disanna dihalaman Puti Dajang Sudah bebunji
bunjizan mandariang salodik djantan mantjaretjeb tu-
pai djandjang malanguah bantiang dikandang takadjuik-
lah Puti Dajang Sudah malibek injo kahalaman alah
tampak si Rono Pinang lalu bakato Dajang Sudah :

„Atjiak den Puti Rono Pinang atjiak naik malah karumah itu tjiboek basuablah kaki”.

Alah naik si Rono Pinang duduak injo dikasua Manggato busanda kabanta gadang lamo sabanta injo duduak bakato Puti Dajang Sudah : „Ba'a atjiak kamari bana apo mukasuk nan didjalang”. Mandjawab si Rono Pinang : „Adiak den Puti Dajang Sudah den disuruah adiak kandung pai manjalang balam timbago kan baik banalah adiak salangi djuo den balam kok sukatan mak den pareh kok katidiang mak den isi asa ka buliah den manjalang”. Mandjawab Puti Dajang Sudah : „Kalau balam atjiak katokan balam den balam pusako dari Ni-niak turun ka Mamak tidak buliah dipasatangkan kok mambali tidak dipadjuai manjewe tidak dipasewokan mamintak tidak dibarikan djiko salorong balam nantuan 'alamat ka mati disangkanjo”.

Mandanga kato nan bak kian manangih si Rono Pinang : „Adiak den Puti Dajang Sudah kalau baitu kato adiak ka sansai malah si Rambun kini baitu malah dek adiak barilah djuo kahandak den manjalang sskali nangko”. Sadang dek Puti Dajang Sudah malihék si Rono Pinang manangih djatrah hibo didalam hari lalu ba-kato maso itu : „O atjiak Puti Rono Pinang usahlah atjiak manangih djuo kalau balam ka atjiak salang kok tumbuah buruak baik djikalau lapeh balam nantuan atau bilang tak barantu kito badjandji kini nangko dungakan malah dek atjiak elok2.

Diganti djo pitih den tak suko diganti djo ameh tidak den namuah ka gantinja Rambun Pamenan kalau tumbuah balam den lapeh patunangkan den dengan si Rambun Pamenan kok lai suko nan bak itu bawolah

balam nangka". Sadang dek si Rono Pinaog asa pintak lai ka buliah kahandak lai ka bulaku diruruk tjintjun didjari dilatakkon tando timba baliak diparungangkan malah adiak kanduang dengan Puti Dajang Sudah alah sudah bacimbang tando nasi tabedang dek si Kumbang alah sudah minum djo makan sudah marekok makan si-riah mamintak izin ka badjalan. Mandjawab Puti Dajang Sudah : „Kafau atjiak ka badjalan kini barulang djuo malah kamari".

Alah turun si Rono Pinaog sarato mambawo balam dalam sangka dihilakan labuah nan pandjang dek lamo lambek didjalan alah tibo malah dirumah ijo diraoah Kampuang Dalam alah naik tjando karumah dilibek adiak tidak ado disanguiktkan balam timbago dilihek ka ateb andjuang dibutakkon kulambu suto tabukak kulambu katudjuahnjo tampaklah adiak sedang tidua bagaluang bak kurjiang lalok ajia mato ba darat2 alah bawah banta dek manangih sanan mahimbau si Rono Pinaog : „Adiak kanduang djagolah ba'a kok balam alah den salangka djan adiak barusuah hari djuo", takadjuik Rambun Pamenan lala duduak injo sakali alah didagukaan malah balam hari baransua patang djuo patang badjawek dengan malam.

Naonun malam samalam nantun mato nantidak namuah lalok dipudjuak djuo adiak kanduang : „Kok dapek bana balam nangka asalalah adiak badjalan djawuah usutlah adiak djawuah pai mamikek badan aog kerek baru". Mandjawab Rambun Pamenan : „Kok pai bana den mamikek tidak ka djawuah den badjalan". Hari basarang laruik djuo barupia ka siang haojo lai kiro2 pukua anam pagi alah sudah minum djo makan mamintak izin Ram-

bun Pamenan ka pai mamikkek hanjo lai. Lalo turun ka haloman mambawo balam timbago alah tibo injo dihalaman bakato si Rono Pinang: „Adiak kanduang Rambun Pamenan kamano adiak pai badjalan tidak den suko malapehkan badan ang kan ketek baru tjubolah pikia adiak kanduang kito nangko bak anak balam sikua djantian sikua barino kok tabang injo nan djantian b'ata nan barino tingga adiak bapikia malah dabulu'.

Dek lamo ba tangka2 badjalan djuro nan djadi bakato Rambun Pamenan: „Atjak tingga malah dirumah tidak lamo den badjalan". Sapaningga si Rambun Pamenan manangih si Rono Pinang ma latjuik2kan tangan ma hanpoh2kan diri ajia mato bak maaiak putuuh djatuuh tjiyek djatuuh duo tidua bakalumun dalam kulambu. Sadang dek Rambun Pamenan alah sarantang padjalanan matihkek karimbo gadang lapeh dipadang ribo2 manampuah padang bekek kandji alah mandaki pulo injo ijo kubokit rimbo raja alah tibo digunuang Lenggo hari nan sedang tengah hari sadang injo buota bajaog2 sedang rami urang dipakan sedang langang urang dikampuang. Lamo baranti Rambun Pamenan alah disanguikkan baraman naurun basanda kabania kaju paruik alah taraso li-tak hawuuh nan taraso pulo tidak tabado hibo hati ajia mato ba darat2 ijo malah bak kato atjak deo.

Sadang ba ruseah2 hati bakulik si alang bangkeh mandjawab Rambun Pamenan: „Adiak deo si alang bangkeh bakulik malah sekali lai paubek paruik nan beak". Alah bakulik si alang bangkeh didjatuuhkan su-ruk nyutuak diambiak surek dek si Rambun lalo di-bakak surek moton barisi tjintjin duo bantua.

Lalo dibatij hanjo lai: „Kapado anak kanduang

hambo diranah di Kampuang Dalam nan gadang si Rono Pinang nan kerek si Rambun Pamenan kok lai gadang injo kini mandehajo antah dimano saogaik manungguangkan parasaan dilibia rantai bakaluang, dituangan palunggu lakek dipinggang barantai pulo ijo diranah Tjamina Taruih kok makan sakandang dengan babi sabab dek tidak namuah dinikabi Radjo Anisjo lah limo tabun dalam pandjaro antah lai djuo hiduik kini".

Sadang dek Rambun Pamenan alah sudah surek dibatjo di latjuik2kan badan di hampeh2kan diri? ajia ma-to djatuh badarai mananggih ba buwah2: „Atjiak den Puti Rono Pinang dahulu lai den taujokan kato atjiak tidak bamandeh apo sabab atjiak sambuojikan".

Alah sudah injo mananggih alah takana dinan bana diambiak balam timbago babaliak pulang hanjo lai manurun tjando kabawah dek lamo lambek didjalan alah ribo di Kampuang Dalam alah ribo dirangah halaman lalu naik ka ateh rumah taruih sakali ka ateh andjuang lalu disangkuiikkan malah balam dibukak kulambu rumin tidua bagaluang hanjo lai alah basah banta sabuwah dek mananggih takana dimandeh kanduang antah pabilo ka busuo kamano injo ka dituruik dimanokoh nagari oantun kamano hambo ka badjalan sadang ma nanggih2 djuo mandanguih balam timbago takadjuik si Rono Pinang mandanga buni balam timbago alah pulaog malah adiak den dilihok ka ateh andjuang dibukak kulambu rumin tabukak kulambu katudjuahnjo alah tampak Rambun Pamenan sadang mananggih ma isak2 bakato si Rono Pinang: „Apo sababjo adiak mananggih hantu dimano nan mangadjuik sadjak dahulu den katokan adiak nan tidak parjajo djuo kini banakan malah ka hambo

banakan malah pado denai”

Mandjawab Rambun Pamenan : „Atjiak den Puti Rono Pinang bukan takadjuik badan hambo tidak ado hambo barjakak dangakuan malah dek atjiak hambo kan ijo pai manikek ijo ka ateh gunuang Lenggo dibawah kaju maranti alah tibo adiak disanan lalu disanguik-kan malah belam. Hari nan sedang tengah hari alah taraso dipatuik litak baranti hambo disanan basanda di bawia kaju sedang ba rusuab2 hati bakulik si alang bangkeh mandjawab badan nau malah iko adiak kanduang si alang bangkeh bakulik malah sakali lai. Mandandah ijo kabawah injo hinggok dikaju nantuan didjarahtannjo surek sapurjuak alah den bukak surek nantuan barisi tjintjin duo bantuaik iko roponjo tjintjin nantuan lalu dibatjo malah surek tarontuak ka snak den nan baduo urang diranah di Kampuang Dalam nan gadang si Rono Pinang nan ketek Rambun Pamenan kok lai djuo hadak kini badan hambo dalam sangsaro nan banamo Puti Linduang Bulan lalok satampek dengan babi dilibia rantai bakaluang dipinggang palunggu lakek lah limo tahun kutamonjo baitu bana dalam surek.

„Atjiak den si Rono Pinang banakan malah pado denai apo sababojo mandeh kasanan siapa nan mandjapuk mandeh dahulu lai den tanjokan kato atjiak tidak bamandeh kini lai didalam surek kalau atjiak bunjikan bana tidak ka pai den kini dimano bana kampuang nantuan tarangkan malah dek atjiak supajo nak sanang parataan usali malah mambunji djuo”.

Mandjawab si Rono Pinang: „Kok itu adiak tanjokan dangakuan malah elok2 tarakalo maso dahulunjo takalo mandeh kakian bapak kito ijolah Radjo bagala

Datuak Tumungguang alah sampai mangkat bapak kito alah sudah pulo maudo'a kiro sabulan anraronjo darang-lah Radjo mandjapuik mandeh dibawonjo mandeh djo Borak mandeh nan tidak namuah kawin dimasuakkan- njo keadalan pandjara.

Kini bairu malah dek adiak kok bairu bana isi se- rek usahlah adiak pai kakijan nagari nantun djawuah bana badjalan darek tidak taloso badjalan lawuik tidak buliah sariklah kapa pai kijan antah batapo tabun mang- ko ka sampai kok lai sampai budjang gadang' buliah adiak pai kakijan lai ka sanang den malapeh tapi kok kini ang badjalan tidak suko den malapeh".

Mandjawab Rambun Pamenan : „Atjiak den si Rono Pinang kok bairu bana kato atjiak irulah kato sabant- njo tapi samantang pun bairu kok ijo bana kato atjiak tjubolah pikia malah diactiak kok Suran bana den dina- gari kok Puti bana atjiak dikampuang kok tumbuah elok djo buruak barjakak atjiak samo gadang ataupun dengan urang lain mandjadi rjatjek pado kito bakato injo pado atjiak mandeh kau dimano kini bairu kato urang nan banjak kamano badan disuruakkan tidak ma- lu samalu itu srang tatjoteng pado kaniang".

Mandanga kato nan bak kijan manangih si Rono Pinang taloso bana dalam hati bakato sadang manangih „Adiak kanluang Rambun Pamenan den tagah tidak ta- tagah den suruikkan adiak tidak namuah badan iko djuo nan malang djo siapa ka baijo kok tumbuah malang djo surah apo ka tenggang badan hamba kok tibo sakir djo paniaag sialah ka mamintakkan ubek". Manangih manggeruang pandjang apo ka tenggang badan nan malang hari batambah laruik djuo malam badjawek dengan siang

kito2 puku enam pagi alah sudah minum djo makan bakato Rambun Pamenan : „Atjiak kenduang si Rono Pinang atjiak tingga malah dirumah rilahkan djariah pajah atjiak bambu badjalan banjo lai kok lai ntuang pambari Allah selamat sadjo padjalanan”.

Mandanga kato nan bak kiza manangih si Rono Pinang ma hampeh2kan dizi ma latjuik2kan tangan : „Adiak kenduang Rambun Pamenan tidak suko den malapéh kok tumbush sakit badan adiak siapa urang ka mandalang kok mari dirantau urang ka sansai malah badan atjiak bawo hapikia malah adiak tidak suko den malapéh”. Sebagai pulo adiak kenduang adiak alah batu-angan ijo dio Puti Dajang Sudah tidaklah adiak mambari tahu kok tumbush batuak djo baik mandanga ijo kamudiu banjak sangsara pado adiak kito pai malah dahulu ijo katumah Dajang Sudah mamintak izin kapidonjo. Katokan malah elok2 nak sinang pulo batinjo malapéh lagi nak rantu injo diadiak”.

Mandjawab Rambun Pamenan : „Kalau baitu kato atjiak buliah den pai kakiun”. Badjalan Rambun Pamenan dihiliakan labuah nan pandjang labuah pandjang ba liku2 dek lamo lambek didjalan djawuh basarang dakek djuo alah tibo tjando dihalaman ijo dihalaman Puti Dajang Sudah babonji bunjizan mandariang salindik djantan mantjaretjeh tupai djandjang malanguah bantiang dipawuran takadjuik Puti Dajang Sudah malibek urang datang sambia bakato ka si Kambang : „Adiak kenduang si Kambang Manih adiak lihek malah ka halaman”. Bakato si Kambang Manih :

Tjabadak tengah halaman
dijelujuk djo ampu kaki,

Djan lamo tagak dihalaman
itu rjibuak basuablah kaki.

Mandjawab Rambun Pamenan
Bukan ka mari2 sadjo
kanari tumbuah di pematang
disaok djo daun tapak leman,
Bukan den ka mari2 sadjo
gadang mukasuik nan didjajang
Rambun Pamenan nan dihalaman.

Mandanga kato nan bak kian bakato Puti Dajang
Sudah : „Tuan kanduang Rambun Pamenan tuan naik
malah karumah salah rupo dipandang urang”. Mandan-
nga kato damikijan alah naik Rambun Pamecan duduak
dikusua Manggato basanda dibanta gadang kipch basa-
buang kiri kanan siriah talatak dek si Kambang alah
dimakan siriah sakapua digiliang rokok sabatang tidak
lamo antaronjo talatak nasi dek si Kambang sambah
tibo' hanjo lai : „O tuan makanlah makan kamari sakali
nangko”. Mandjawab Rambun Pamenan : „Adiak kan-
duang si Kambang Manih ijo bany bak pantun urang :

Padi sidjirak djito djitan
padi sipuluik dari ladang,
Nasi basanduak balatakan
awak bepantang makan surang.

Mandjawab Puti Dajang Sudah : „Tuan kanduang
Rambun Pamenan dangikan malah dek tuan :

Padi sidjirak djito djitan
sipuluik nan linduang daun,
Nasi basanduak balatakan
djo sia tuan ka sadaun.

„Tuan makan malah dahulu kok umua lai samo pandjang kudian kito makan sadaun“. Mandanga kato nan bak kian galak tasanjum Rambun Pamenan nasi disanduk banjo lai alah sudah injo makan alah sudah mambasuah tangan lalu marokok makan siriah tidak luno antaronjo dimintak izin ka badjalan: „Adiak bari uwaf baniak2 hambo badjalan hanjo lai kok lai umua samo pandjang kudian kito batamu djuo“. Takadjuik Puti Dejang Sudah. „Tuan kanduang Rambun Pamenan kamano tuan ka badjalan apo bana nan tuan rusuahkan ateh perak banjak dikito sabagai pulo tuan kanduang kito kan baru barunungan“. Manangih Puti Dejang Sudah manangih sambia bapantu :

Parahlah sumbu di Singgalang
 tadajuak tjando balai2,
 Untuang hambo djuo nan malang
 baru bagantuang taguradjai.

Nak duo pantun sairiang :

Simantuang di Parit Putuib
 djaradjak jiranah taban
 kamano ka mandjulai lai,
 Bateh bagantuang nalah putuib
 tampek bapidjak nalah taban
 kamano ka mangabai lai.

„Bapak tidak mandehpun tidak awak surang tunggu babateng sakit kamano dihimbaukan sabagai pulo tuan kanduang :

Kain putiah djolong bapakai
 ditambah palantiang pawuah
 djatuhnju kadalam padi,

Kasih sayang djolong bamulai
tuan bawo badjalan djawuah
ieu nan marusuh dalam hati.

Nak duo pantun sairing :

Radjo Tulih Radjo Tiagan
tigo djo Radjo Pariaman
ampek djo Radjo di Limbukan
limo djo Radjo Pagarjuang
anam djo Radjo Bangkahulu
riatang mambilang kuntji sadjo,
Hati nan tuluh bakh' tuan
sadaug kasih tuan tinggakan
sadang sayang tuan gadjaitau
bak tulaug dalam rakungan
nan bak luko kunai sambilu
lamo lambek marusuh djuo.

Kok djadi tuan badjalan samo hilang kito baduo
bambo nan djangan tuan tinggakan". Mandjawab Ram-
bun Pamenan : „Adiak deu Putri Dajang Sudah adiak
ejuho malah bapikin ieu djawuehnjo kampuang urang
antah satahun duo tahun padjalanan antah babaliak an-
tah tidak adiak tingga malah dirumah usahlah adiak
barusuh hari ijo bane bak pantun urang :

Sikudjua baladang kapeh
balanak makan ikan,
Kok mudjua adiak malapeh
bak ajam pulang kapawutan

Nak duo pantun sairing :

Bapitih sambilan pitih
barulek sambilan djamba,

O adiak nan rantjak manih
salamat sadjo malah tingga.

Dengarkan sabuwah lai :

Mamutiah ombak disubareng
mahalua ombak di Kampuang Dalam
ketek riakjo Padang Alai
bakadja riak nan kahilia
latakkan pandajuang dalam parahu
djalo raserak ateh karang,
Marilah adiak marilah sajang
mati kito badjawek salam
dagang badjalan hanjo lai
antah djawuah antahnjo hampia
gurak Allah siapa nan tahu
kok mati dirantau urang.

Lapeh nan dari Pasa Sampan
haudak mandjalang Pungguang Ladiang,
Rilahkan sadjo nan tamakan
kok lai mandjadi darah dagiang.

Alah badjalan Rambun Pamenan alah sarantang pa-
djalanan manangih Putri Dajang Sudah: „Tuan babaliak
malah dahulu”. Alah tagak Rambun Pamenan lalu ba-
karo meso itu: „Adiak kandaung si Dajang Sudah da-
ngakan malah den katokan :

Sutan Amat Palito Amat
bingo malah kambang sakali,
Hialah hembek asa salamat
dalam ratua mak dea nanti.

Mandjawab Putri Dajang Sudah dangakan pulo den
katokan :

Batjintjin parmato intan
patah tatimpo ateh katjo,
Sadang kasiah tuan tinggakaan
babati saba malah hambo.

Anak buajo dibalanti
mamakan djuaro palandjungau,
Barapo lamo kami mananti
batuneh batang pangabungan.

Bakato Rambun Pamenan : „Adiak tingga malah dahulu”, lalu badjalan Rambun Pamenan dek lamo lam-bek didjalan alah tibo di Kampeang Dalam ijolah Puti Rono Pinang sadang manangih didapati ijo didalam ku-lambu rumin baru tibo Rambun Pamenan lalu bakato injo sakali : „Atjiak den Puti Rono Pinang rilzhaan sadjo djariah pujah atjiak hambo badjalan baajo lai”.

Alah badjalan Rambun Pamenan alah sarantang pa-djalanan mahimbau si Rono Pinang : „Adiak kanduang babaliak malah tidak suko den malapéh rantau djawwah wan ka didjalang sabagai pulo riek kanduang kok tum-buah malah djo maro kok njampang sakit badan adiak sakit kamano mintak ubek litak kamano mintak nasi kok santoso sakit dirumah buliah den mintakkan ubek”.

Babaliak Rambun Pamenan alah tibo ditengah ba-laman lalu bakato maso itu : „O atjiak si Rono Pinang kini bairu malah dek atjiak atjiak ragah den pai djuo itu ruponjo patasian mandeh kanduang dalam pandjaro djiko salorong badan hambo nak hambo bari malah ba-tando”. Sadang dek Rambun Pamenan diambiak awua sabatang ditanadikan dipalambahan bakato injo sakali : „Atjiak tingga malah dirumah kok njampang lajua awua nagko alah sakit malah badan adiak atjiak do’akan

pado Allah kini tingga atjiak dahulu". Lalu badjalan
Rambun Pamenan manangih si Rono Pinang ma latjuk2
kan badan ma hampah2kao dixi manangih sambia ba-
pantun adiak kanduang Rambun Pamenan :

Apokoh naa marao - rao
aja gadang di Palupuah,
Apolah iko naa mam bawo2
hari senang diparusuah.

Alah naik malah karumah si Rono Pinang lalu tidua
bagaluang dalam kulambu.

* * *

III. RAMBUN PAMENAN MANTJARI MANDEHNJO.

Alah badjalan si Rambun Pamenan dihiliakan la-
buah nan pandjang hari basarang tinggi djuo. Dek la-
mo lambek didjalan lepeh dipadang ribo2 manampuh
padang lakek kaodji mandaki ka rimbo gadang kamano
kareh dibawo untuang. Hati badarok patang djuo pa-
tang badjawek dengan malam lakok didalam rimbo ga-
dang namun sa malam2 nantun sapitjiang tidak talalok-
kan dek dingin tidak ratanggungkan ajia mato djacuah
badarai. Hari lah siang pulo lai badjalan Rambun Pa-
menan habih hari babilang pakan habih pakan babilang
bulan habih bulan babilang tahun lah duo tahun dida-
lam rimbo tak tantu nagari ka dituruik badan lah gadang
dalam rimbo. basuwo bukit mlah didaki basuwo luru
dituruui dimano patang saao baranci malam basaliomik
ambun siang ditimpo paeh slah tigo tahun kalamonjo
ijo bana bak pantun urang :

Mungkareh dipuntjak gunuang
dibaliak barang nalo nali,
Kamano kareh dibawo untuang
kabarang carapek makinjo pai.

Adolah pado suatu malam sadangojo laruik tengah
malam ijo didalam rimbo rajo nantun Allahu Rabbi
rosuah hati hudjan lakok tidak tabado sanan manangih
Rambun Pamenan takana dikato atjik dahulu saketek
tidak nan barobah ijo moh sarik pai marantau.

Hari badarak siang djuo alah bakukuak ajam rimbo
alah siang ruponjo hari sadang dek Rambun Pamenan
rasonjo badan hampia sakit basanda dikaju gedang ka
badjalan tidak takawo badan sakit kapalo panjang sa-
nan manangih ba hibo2 bapantun ba buwah2 :

Kudo matompek baru balah
tibo dilurah pandakian,
Tidak diduo kahandak Allah
untuang lah sudah djo bagian.

Matilah urang dalam samak
mati mamakan urek kaju,
Dagang nan tidak badunsanak
sakit basanda dibania kaju.

Bunji pantun ba buwah2 ajia mato djaruah badarak:

Pindjahit Tjino didjahickan
pandjahit kain salah bawag,
Kioi lah baru den ijokan
pitaruah atjak den Rono Pinang:

Marijam ditapi lawuik
babuni pukua sambilan,
Anak dagang mati tarungkuik
budjan dilangit mamandikan.

Dilandai madang acubalau
sijangi ka dilandaikan
dilandai didaun kaju,
Kok mati budjang dirantau
budjan dilangit mamandikan
didjanguak si langau bidjan.

Sekudjun rijuang djo pipit
cabang djo anak rijuang lampai.

Kok runtuh rabiang djo bukit
panimbun maik degang sansai.

Bapantun sambia manangih sakit batambah ladjaik
djuo rasokan puruih njawo badan.

Kaba bataliah hanjo lai aliahnjo kapado si Rono
Pinang dek lano lambek nan bak kian alahujo tabu di
nao bana manangih sedang dipintu sabab malihék awua
lah lajua : „Manuruik sapaondjang pitaruah adiak alah
sakit malah adiak kanduang dimanokoh rimbo nan lah
busuk lurah diruano nan lah kanjang”, sadjak dabulu
den katokan adiak kanduang tidak parjajo :

Hilangkan djuolah banda den
disakab padi tigo tangkai,
Tidakkan djuolah kato den
kok tidak mati badan marasai.

Kok santano sakit dirumah badan den ubek den
cawari den tjarikan dukun paodai ubek hilang adiak
siapo ka manjati luluhi siapa ka manjilam kito baduo
badunsacak ba buwah2 bujni ratok :

Dagi subaliak ka subalah
dikili lai tapi kaita
badjahic tantang kapalonjo,
Sudablah uncuang Takir Allah
dicintang bana djo nan lain
adiak kanduang cakana djuo.

Paranglah urang di Lampisang
urang marasang dari lawuik,
Sajeng diadiak djolong gadang
habih dagiang tulang diruruik.

Koto Sariak balai Raba'a
djatuah salodang silaronjo,

Kato adiak tidak ka ba'a
kato ranuang mularaik djuo.

Alah sudah injo manangih bapikia si Rono Pinang kok sakit bans adiak kauduang siapa den suruah ka mantjari lalu diambil malah balam bakato Puri Rono Pinang : „Adiak den balam Timbago pai malah kini djuo tuan ang alah sakit bana antah dimano injo kini kik lai basuwo tuan ang kok sakit ubek malah bawolah injo babaliak pulang katokan pasan dari atjak usahlah hari dipaturuikkan”.

Alah dibuangkuibkan malah ubek sarato nasi nan sakapa langkok djo talua nan sabuah : „Kalau batamu Rambun Pamenan suruah makan nasi djo talua tigo tahun tabinda lapa”, alah diguogguang malah bungkusun rahanglah balam Timbago tabang ma njisi2 awan puweh malajang injo malajok banjaklah lurah radjalani banjaklah bukit nan talihek tidak basuwo nan ditjari alah salulan lamajo tabang banjaklah rimbo nan tatampuah tidak basuwo Rambun Pamenan tigo bulan lamo mantjari alah radjalani rimbo kasadonjo.

Adolah pado surtu hari alah panek balam Timbago binggok injo dikaju gelang ijo dibatang kaju baringin mantangwang silangau hidjau malihok balam kabawah apotah garan nan mati dibawah antah harimau nan lah mati dilihok kabawah njato2 sanan lah tampak Rambun Pamenan selunggu pingsan maso itu sangak sakit malah kironjo tidak ado batutua lai basanda sadjo dibania katu hangokajo lai man dateh2 djuo. Lalu dilakokkan malah ubek disintuah djo lidih gilo diminumkan ajia sangak ukadjak Rambun Pamenan alah pandai injo mangrahikan mato malihok injo hilia mudiak tidak ado

urang nan tampak selain dari balam Timbago manangih Rambun Pamenan : „Adiak kanduang badan dici apo sabab datang kamari djo sia atjiak ditinggakan hilang surang hilang baduo kini baitu malah diadiak babaliak pulang malah adiak”.

Mandjawab balam Timbago : „Tuan katjiak djanjo hambo makantah nasi nan sakapa sarato talua nan sabuah nak kuat tuan badjalan kok sampai tamakan babih rigo tahun tahinda lapa”. Alah dimakan nasi nantun sarato talua nan sabuah alah sebat Rambun Pamenan adapun pitaruah atjiak kanduang kok sampai tuan katjiak sebat kito babaliak malah pulang”.

Mandjawab Rambun Pamenan : „Adiak kanduang badan diri banakan malah pado atjiak namun hambo ka pulang balun kok tidak tabawo mandeh kanduang tidak dea namuzh babaliak pulang”, manangih Rambun Pamenan manangih sambia bapantun :

Patjah tjawo ditimpo tjawo

patjah ditimpo ramu2,

Hilang njawo baganti badan

mandeh kanduang dirjari djuo.

Djiko bak nangko djinih pandan

tumbuhlah bamban dalam samak,

Djiko bak nangko djinih parasasian

cadjadjak kampuang lai tidak.

Ramitali pakan Pasa Sunpan

rami dek anak Kurai Tadji,

Djiko bak nangko parasasian

tabuwang badan dari nagari.

Baralek urang ateh biduak

anak Radjo makan didulang.

Kalau bak nangko sakit hiduak
lureklah badan dirantau urang.

Satu Solok duo Salajo
Kampung badjerok djo tepijan,
Kok elok bana kabandak kito
untuang lah sudah djo bagian.

„Adiak kuduang balam Timbago adiak babaliak ma-
lah pulang tagamang atjiak lamo tiogga”. Alah panek
rangka batangka tabanglah balam Timbago, babaliak pu-
lang hanjo lai tabang ma njisi2 awan alah sabulan la-
monjo tabang alah tibo malah di Kampung Dalam
hinggek injo diarah andjuang batamu dengan si Rono
Pinang dibasukan parasaan tuan katjiak: „Ijo sakit injo
dehulu tapi kini alah sehat lai bapasan pado atjiak
mintaakan sadjo doa salamat supajo lakah babaliak pu-
lang”. dilibek awan dipalambahan alah tampak daunjo
mudu sanang saketek paratian.

Lorong kapado Dajang Sudah salamo Rambun Pa-
menan badjalan makan tidak minumpun tidak riwang
menangih siang malam tiogga djangek pamaluik tulang
telok begaluang dalam kulambu.

* * *

IV. RAMBUN PAMENAN MANDAPEK TUNGKEK WASIAT.

"**D**ialiah kaba tentang itu aliahjo kapado Rambun Pamenan sadang didalam rimbo gadang alah sehat bana hadan injo lalu badjalan hanjo lai. Alah sabari duo hari sampai sapakan duo pakan kok siang basalinduang peneh kok malam basalimuik ambun datang hudjan katudjanaan datang peneh kapanehan dimano patang sanan bamalam habih bulan bibilang tahun alah duo tahun pulo kalamonjo nagari tak tantu ka dituruik manjarah sadjo pado Allah hari malam hanjo lai malam badjawek deengan siang tadanga ajam bakukuak malibek tjundo kabawah alah tampak api tatjelak dituruik pulo kakian kironjo pondok urang palalang bakato Rambun Pamenan: „O niniek urang paladang bawolah tompang dagang sansai hambo nangka dagang mularaik dusun nagari tidak tantu”.

Takadjuik niniek rang paladang lalu malibek kahalaman ijo lah tampak anak budjang mandjawab urang paladang: „Bujuang naik malah karumah”. Alah naik Rambun Pamenan ado sabanta injo dukrak nasi lah masak hanjo lai sanan bakato niniek rang paladang: „O bujuang nan djolong datang disabuik namo tidak tantu dihimbau gala balun tarang bujuang kamari malah makan barang nan ado kito makan alah njato kito didalam rimbo makan djo gulai nan bababuih”. Alah makan Rambun Pamenan makan sasuwok duo suwok

rupuk katiga injo lah kanjang bakato niniak rang paldang : „O bujuang nan djolong datang dimana bana dusun nagari kamano bana ka badjalan nagari mano ka dieuuk katokan malah pado hambo banakan malah djalah?!”

Mandjawab Rambun Pamenan : „O niniak urang paldang dangkaan malah dek niniak hambo uraikan nukasuik hambo handak kasagati Tjamin Taruh pamentah Radjo Hangek Garang nan bagala Radjo Anisjo kasian nukasuik hambo kok dusun hambo niniak ranjokan tidak tantu lai dihambo badan lah gadang dalam rube? Alah panek injo ba binjang? rintang ma ngejek? djoo hari lah siang hanjo lai dimintak izio pado niniak lalu bakato hanjo lai : „Manolah niniak kasuang hambo mamintak hambo pado niniak tilahkan nasi nan sakapa tilahkan ajia nan saraguak hambo badjalan hanjo lai niniak lapeh djo hari sutji ijo bana bak pantu urang :

Anak rang dari Barubampu
kapakan lalu ka Surian,
Badan kito sarik batamu
tilahkan sadjo nan tamakan.

Maulupa pantu si Rambun manangih niniak rang paldang : „Kito disiko malah diam batang nan dapek kito meken nan tidak samo kito tjari hibo bana den dibadan ang awak lai mudo kerek baru sarrau djawuah ka dijalang?!” Mandjawab Rambun Pamenan : „Bari manah hambo banjak?!” lalu didjawek malah salam. „Kok salama badan hambo mak hambo tjari niniak kudian”, lantau badjalan Rambun Pameuan.

Atu sarantang padjalanan mahimbau niniak rang

paladang : „Bujung babaliak malah dahulu bujung ka
ka badjalan djawuah kalau dilapeh bana djo picih picih
tidak ado dalam puro kini baitu malah dek ang tando
salamaik puriah hati hambo hari tungkek sabuah tung-
kek hanamo Manau Sopsang. Kamano bujung ka badja-
lan bawo djuo tungkek nangko mak den kutokan ma-
lah chasienjo :

„Kok basuo musuah dirimbo ateu Djin dengan ma-
nusia walaupun gadjah djo harimau tjukuk djo ula de-
ngan raduang Tuhan Allah kok lai manolong kansi
bajang?njo mati djuo. Badjalanlah bujung kini nangko
sukolah hati ninjak malapeh”.

Badjalan Rambun Pamenan habih hari babilang pa-
kan habih pakan babilang bulan basuwo bukit alah di-
deki basuwo lurah alah dituruni dek lamo lambek didja-
lan satahun pulo kelamonjo tak tantu nagari ka ditu-
ruik alolah pado suatu hari alah tibo digueuang gadang
tibo dibukit nun barapi disuwok dikida bukit djalan sa-
buzh tampek lalu alah ditampuah djalan nantun alah ti-
bo di tengah? disangko bufiab lalu kironjo kaju nam-
bafintang dilibek bana hampia? ijolah tampak nago ga-
dang hukannjo kaju malah kicoojo tidak taleso kasuba-
rang. Baranti Rambun Pamenan lah sabanta injo duduk
ditumpun kaju ajia nato giriang gumiriang : „Kalau
hak nangko parasalan tidak harama manleh kanduang
alah tue hadan dirimbo basakit bana reso lalu”.

Sadang ma nangil? djuo alah takana dinan bana
takana tungkek ditangan dijinto uliak rang paladang
alah takana chasienjo lalu diambiak malah tungkek di-
latjuk malah nago nantun kansi dek bajang? tungkek
alah djatuah nago gadang. Malibek Rambun Pameoan

ditarantang kapalo nago anak garudo nan diateh kaju hampia dimakan nago gadang.

Dilibek nago alah mati didaki malah nago gadang tijok didaki djaruah djuo tidaklah sampai kasubaliak, babaiak Rambun Pamenan basanda kabatang kaju sadangkan diateh kaju nantun anak garudo sedang maangih lamo sabanta antaronjo hati lah badatok parang djuo.

Alah polang bapak garudo sarato dengan mandeh kanduanggo didapati anak sedang manangih ijo maangih kaduonjo bakato anak garudo: „O bapak kanduang hambo hampia kito tidak basuo tjemiah dimakan nago gadang libek dek bapak itu bangkainjo taguliang sadjo dibawah ijo dibawah tampek kito nangko. Kini baitu malah dek bapak untuang kami balun ka mati alah datang manusia mambawo rungkek sabuah. Rantjak tubuhojo bukan kapalang badannjo mudo kerek baru dilatjuiknjo nago nantun alah djatuah nago kabawah dilakinjo bangkai nago tijok didaki djaruah djuo tidak dpati injo badjalan kok buliah pintak pado bapak baleh duolah guno urang nantun kabatang tampek injo pai ridoog ba'a bapak hantarkan dek mandeh baitu pulo hambo mangpaku injo dunsanak tidak tabalah doh gunonjo”.

Mandjawab garudo gadang: „Kalau baitu kato anak dimano anak urang nantun mak den libek bana ruponjo”. Bakato anak garudo: „O bapak kanduang dek hambo kok itu bapak rantjukan injo dibawah tampek kito sedang lalok injo kini sedang ba rusuah2 hati”. Alah tobaug garudo gadang lalu hinggok injo dibawah didapati si Rambun sedang lalok bakato garudo gadang: „O bapakang dagolah bato”. Takadjuik Rambun Pamenan lalu ditarakkan malah mato malibek injo kahadapan

lah tampak garudo gadang lalu bakato maso itu: „O niniak garudo gadang niniak makanlah badan hambo ka pai djalan tak tantu ka suraik djalan lah kalam dusun nagari tidak tantu makan djuolah hambo dek niniak”, aja maso djatuh badarai.

Mandjawab garudo gadang: „Tidak rang mudo ka tamakan guno baik tabalah balon kini baitu malah dek rang mudo bari ba'a tanjo niniak kamano bana budjang marantau kamano budjang ka budjalan nak tantu niniak marukiri”.

Mandjawab Rambun Pamenan: „Kok itu niniak ranjokan mukasuik hambo landak badjalan kanagari Tjamin Taruah parentah Radjo Hangek Garang bagala Radjo Aniajo kakian mukasuik hambo arah pabilo lai ka sampai”. Bakato garudo gadang: „Kalau baitu mukasuik Bujung djawuah bana nagari nantun sapandjang pikiran niniak kalau babini Bujung kini bini anak baranak sudah baranak injo batjutju sudah batjutju injo bupijok balon ka sampai budjang kakian badjalan derek tidak raleso balaja dilawan tidak buliah sariklah kapa nan ka sampai kakian”. Sadang dek Rambun Pamenan mandanga kato garudo gadang manangih ma isak: „Kalau baitu kato niniak makan djuolah badan hambo”. Bakato garudo gadang: „Kalau baitu kato budjang kabuang anam nago nangko muk den baotarkan budjang batusuk usah batusuah hati djuo”.

Agaklah dek Rambun Pamenan lalu diambiak malah tungkek alah dikabuang uia gadang alah mandjadi anam kabuang hari lah malam hanjo lai malam badjawek dengan siang lah kito pukua anam pagi bakato garudo gadang: „O Bujung anak kanduang den

ambiaklah rotan dalam rimbo kabekkan malah nago nan-
ton kito badjalan kini nangko". Alah diambil rotan
katinabo dikabekkan nago anam kabuang ditantang ka-
jak garudo eu. Bakato garudo gadang : „Dengarkan dek
anak kanduang kito ijo badjalan djawuah kabekkan pu-
lo badan ang usah djawuah budjang didjalan". Alah di-
ambiak malah rotan dikabekkan pulo badan diri".

Garudo tabang hanjo lai tabang ma njisi2 awan
puweh malajang injo malajok puweh malajok injo ma-
singgi alas salari injo tabang dibarikan nago saporong
alah duo hari garudo tabang duo kabuang nago nao usak
alah tigo hari garudo tabang tigo kabuang nago nan
labih tabangjo batambah tinggi djuo.

Anam hari lamonjo tabang anam kabuang nago nan
labih sabari lai nangko sampai kadalam nagari Tjamin
Tjauin sanan matandah tabangjo garudo mamigatak
mekanan garudo itu ramaouang Rambun Pamenan lalu
bakato hanjo lai : Manolah niniak kanduang hambo
kok itu niniak rajjokan kito badjalan anam hari nago
kan ijo sawo potong bahati saba malah niniak". Hari
kalahak patang djuo alah tibo dikampuang nantun injo
tinggok ditengah pasa lalu bakato hanjo lai : „Danga-
kan malah anak kanduang iko pasa kampuang nantun
sehingggo iko anak den hantakan kok sampai bana kana-
gan itu takadjuik urang kasadonjo anak turun malah
stakok".

Mandjawab Rambun Pamenan : „O niniak garudo
patang katu baru kato niniak hambo urak malah tali
nangko". Alah turun Rambun Pamenan dari ateh ga-
rudo patang lalu bakato maso itu : „Kini baitu malah
ko niniak niniak ijo ka babaliak pulang kok rajjinto

hambo isuak djo apotah hambo ka bapasan”.

Mandjawab garudo gadang : „Kok itu anak rusuahkan ambiak bulu denai tudjuah halai pabilo anak handak pulang panggang malah bulu nangko kok sampai asokno ka arah langit alah datang denai kamari anak tingga malah dahulu hambo babalisk hanjo lai”.

Alah tabang garudo gadang tabang ma njisi? awan tudjuah hari lamono tabang alah sampai dirimbo gadang. Atampek anaknja tingga alah binggok injo disanan alah batamu dengan anakno.

* * *

V. RAMBUN PAMENAN MANUDJU
NAGARI TJAMIN TARUHH.

Kaba baraliab hanjo lai sungguah baraliab sanan
djuo aliahnjo kapado Rambun Pamenan badjalan injo
dari Pasa hari alah badarok patang djalan rak tantu ka
djaratik alah masuak kadalam kampuang batamu lapau
sabuah alah duduak injo dipalanta alah taraso patuk
liak bakato Rambun Pamenan : „O mandeh urang ba-
lapau bacitah bala hambo nasi”. urang manjanduak nasi
hanjo lai alah sudah makan djo minum djoalah hutang
ka dibaja bakato Rambun Pamenan : „O mandeh urang
balapau ijo bana bak kato urang :

Dari subaliak ka Subarang
sampai karumah djuru tulih,
Hutang lah dapek ampek gadang
Laikek dapek miotak djandji.

Mandjawab urang balapau manang Bojuang nan
djujong datang :

Ambiaklah pelang kambanglah lajia
utang turun ka sikotji,
Asa hutang lai ka babaja
ingeklah adat rang lapau nasi.

Alah turun Rambun Pamenan badjalan hilia djo mu-
dak hati resuah bukan kapalang hari lah hampia ba-
darok jarang bajantun Rambun Pamenan :

Mandaki bukit rang Suliki
manurun Lu Tandjuang Alam,

Hari patang sawai babunji
karano dagang ka bamalam.

Lamo sabanta antaronjo hari lah malam banjo lai babaliak karumah indrak samang : „O mandeh urang balapau bawolah tompang dagang sansai dusun nagari tidaklah tantu”. „O Bujung nan djolong datang kalau baitu kato ang disiko malah Bujung bamalam”.

Namun malam samalam nantun sapitjang tidak dilalokkan sakalok tidak ditiduakan rintang ba pikia2 djuo tak tantu djalan ka dituruk bapitih sagadang tidak djolah hutang ka dibaja hutang lah sudah dipabuwek pado rang lapau mandjua nasi hilanglah akal mamikiakan dimano karadjo ka dijari pangarahuan saketek tidak ka manggaleh bapokok tidak. Alah siang tjandonjo hari alah budjalan Rambun Pamenan kan ijo manjari karadjo alah budjalan bilia djo mudiak ditarjo-kan malah karadjo tapi tidak ado nan dapek lah patang pulo tjandonjo hari babaliak pulang Rambun Pamenan kapado mandeh rang balapau.

Alah sabari duo hari tjukuik sapakan kiro2 lamonjo bakato urang balapau : „O Bujung nan djolong datang hutang Bujung lah banjak bana alah patuk kiti ang bajil”. Mandanga kato nan bak kian tamanuang Rambun Pamenan : „Kalau baitu kato mandeh caotangan hutang hambo nantun mamiatok hambo pado mandeh bacitlah djandji hambo dahulu malakik patang hari baiko nak pai hambo manjarikan”.

Mandjawab mandeh rang balapau : „Kalau baitu kato Bujung sukolah mandeh manbari djandji tapi utang musei dibaja malakik patang hari baiko ingeklah Bujung caurang itu alah sapakan Bujung disiko”.

Kemungkinan Rambun Pamenan alah badjalan hanjo lai dibalikna djuo malah Pasa alah tampak pondok sabuah alah masuk kadalam pondok ijo duduk didalam pondok matangih Rambun Pamenan djo apolah hutang ka dibaja piuh tidak kainpun kurang sedang tamauang dilam pondok tibo rang tuo nan punjo ladang masuk ijo kadalam pondok tampak urang duduk didalamajo.

Bakato urang punjo ladang : „O Bujung nan duduk nangko apo sabab Bujung kamari siapolah garan nana Bujung diinano dusun djo nagari”. Mandjawab Rambun Pamenan : „O niniak nan punjo ladang hambo nangko dagang mularik dusun nagari tidak tantu lai”. Harinjo urang nan baladang : „Kamano bana mukasuk Budjang apo bana nan dirjari”. Mandjawab Rambun Pamenan : „Kini baitu malah dek niniak kok itu niniak tampakan mukasuk hambo datang kamari ijo nak paika nagari Tjatin Taruih parentah Radjo Aniajo batanjo hambo pado niniak djawahkoh djuo nagari wantu”.

Mandjawab niniak rang paladang : „Kok itu Budjang tampakan sarantang nagari Tjatin Taruih tidaklah bazepe lai djawahhojo agak sahari padjalanan alah sampai bahang disanan tibo dipasa Tjatin Taruih pasanjo rante waja mulan kampuangojo rapek timba baliak”.

Mandjawab Rambun Pamenan harinjo sedang rusuah djuo : „Sela baitu kato niniak hambo badjalan malah dababa mihak padjarihan niniak”. Alah badjalan Rambun Pamenan hari lah badarok patang djuo babaliak ka dibaja andiak samang djo apolah hutang ka dibaja alah dibalik pado dipalanta dek paruik sangaik litak dimintu pado nana kapado munde rang balapan : „O mandjawab balapan sanduakkan nasi agak sapiriang litak

bana rasonjo badan koradjo ditjati tidaklah dapek". Man-
djuwab mandeh rang balapau :

Badju putiah sarawa putiah
bahaanduak kasumbo pulo,
Kapatang sudah kami baragiah
hutang na lamo tingga djuo.

Tidak namuah rang balapau manjandoakkan maba-
ngih Rambun Pamenan aja mato ba darai2 lalu bapan-
tun baribarat :

Kabau gadang di Subarang °
pamatang sawah tidak tadaki,
Apo katenggang anak dagang
hutang tak buliah mintak djandji.

Alah dibukak malah pakaian dibukak kain dengan
badju diharikan pado rang balapau barang sado hutang
ka tabajia tingga sarawa geoggang sadjo alah babadju
ponteng lengan bari lah malun hanjo lai namun ma-
lan samilam nantun bunji cangih ba buah ijo bana
bak pantun urang :

Musaklah padi ladang rimbo
rarantang tali djuwek2,
Tampau batolak dagang disiko
hutang lah bajak dipabuwek.
Pipit djo bondo lah mambubuung
rabang djo anak tjuang lampai,
Misikin lah panek hambo tangguang
tagah dek adjal balun sampai.

Ka diambiak marjo sekuduang
dibuangkan ikua kapalonjo,
Kok manjasa awak pado uatuang
suratun sudah dahulunjo

Lalu badjalan hanjo lai hari nan sadang barabuk sandjo aja maso ba darai? Allahu Rabbi rusuah hati paruk litik taraso djuo alah sarantang padjalanan rampaklah lapau sabuab dituruik tjando kakian baranti tantang piaro lapau bakuto injo maso itu :

Lai patimbo rang disiko
manami djuolah bidjo djarak
sijaaga djuo malah pandan,
Lai pahibo rang disiko
baritah hambo siso karak
untuak pauleh njawo badan.

Takadjuik mandeh rang balapau dilibeke kapintu lapau tampaklah urang mudo matah basarawa pontong sadjo djatah tabibo dalam hati lalu dihimbau hanjo lai: „O bujang nan djolong datang anak makan malah kini kato makan ba ramu?“. Alah makan Rambun Pamenan makan sesuwok duo suwok tjukuik karigo injo manjuwok siah karanti injo makan siah sudah mambasuah tangan ramasuang Rambun Pamenan diambiak pitih nan sagedang barapolah hutang hambo mandeh pitih hambo sagedang sadjo hambo nangko dagang mulataik. Man-lanja kato Rambun Pamenan manangih mandeh rang balapau : „O bujang nan baru datang usah disabuik to rak kandelang pitih pambajia bali nasi“.

Mandeh tak namuah manarimo asa lai namuah anak deke laju sabulan duo bulan sampai bana sapuluh tahun nasi nan tidak ka nimbali tidakkoh anak ba ramu? sababny mandeh balapau nangko bukan mantjari juah sadjo ganti pa rintang? hati dek karano tidak ba-ruak anak surang tungga babeleng kini kok namuah ng dike balapau ka sanggojo hati hambo anak surang

djadi baduo. Mandanga kato nan bak kian mandjawab Rambun Pamenan : „Kalau baitu kato mandeh perjuak dijinato ulam tibo mukasuk hambo kamari nangko mantjarikan paruik tidak makan lai siko mandeh mambawo tompang bijalah mantjarji2 piriang atau ma mipih2 lado pandjapuik2 aja asal lai mandeh mambawo tompang”.

Mandjawab mandeh rang balapau : „Kalau baitu kato anak diam malah disiko kok diam bana anak disiko bijalah tidak bakaradjo kini baitu malah dek gag bari luruik hambo batanjo siapa bana namo anak dimano dusun nagari ang apo sabab datang kamari anak katokan malah elok2”.

Mandanga tanjo mandeh nantun mandjawab Rambun Pamenan : „Mandeh kanduang dangakan malah dusun nagari mandeh tanjokan namo hambo si Bujuang Rimbo mukasuk hambo nandeh tanjokan ijo kanagari Tjamin Taruih parentah Radjo Aniajo”.

Tadanga kato nan baitu mandjawab mandeh rang balapau : „Kok itu anak katokan nan banamo nagari Tjamin Taruih ikolah injo kampuang nortun Radjo Aniajo Radjo kami disiko malah anak diam”.

„Anak kanduang si Bujuang Rimbo apo sabab damikian bakain babadjo tidak kok ditantang bana cubuah ang rintjak nan bukan alang2 salah dek tidak bapakenian”. Mandjawab Rambun Pamenan : „Ijo bana bak kato mandeh nan bak pantun urang djuo :

Udang banamo udang genai
alah basrang di paruik
tampak nan dari Parlaman
mahilukan bulai Sungai Kota
haranti lautang Sungai Sirih

kabalai nak rang Pakandangan,
batuin bana bansaik kini
kain barangkot mangko dudusk
tidak basamba badan makan
nasi dilulua djo ajia mato
dimintak tambuah sabalah
bansaik kamano di kadukan.

Dagangan djuo malah dek mandeh :

Ditabang batuang duo rigo
tabatag ambiak ka sasak,
Kamanolah untuang ka dibawa
urang kampung tulak baculak.

Dagang hapantun baribarar :

Balaja kapa ka Balituang
balabuh tarang pulau Tjino,
Harang nan suko ka manolong
dagang tabuwang dek nan panjo.

Dagangan djuo malah dek mandeh nak ampek pa-
tan sahirsang :

Mari panch manubo tiram
satubo di katuang mari,
Untuang hambo bak tareh tabanam
tidak mungkin ka baik lai.

Man-langi kato nan bak kian macanggih mandeh tang
batugau urang manggaleh baitu pulo.

Bakato mandeh tang balepau : „Kalau baitu kato
anak deskolah anak salamonjo”, lalu dihimbau Suran
Mudo : „Anak kanduang Suran Mudo bawolah pakaian
yang kamas barikan malah ampek pasalin kapado si
Hupiang Humba”. Sadang kapado Suran Mudo diambiak
malah pakaian dibarikatu ampek pasalin dibukak pakaian

nan buruak lalu diganti djo nan elok sanan bakato
Rambun Pamenan hapancun hatibarat :

Lai pacimbo urang disiko
lai paruntu aka katjang,
Lai pahibo raog disiko
lai panjantun dianak dagang.

Namun malam samalam nantun banjaklah kerjek djo
rundingan dek urang si Bujuang Rimbo manjawak di
hilia2 bakato di bawah2 mulai manih kutjindan murah
awak elok baso katudju urang sejang kasadoarjo hazilah
siang hanjo lai kiro2 pukua sambilan urang manggaleh
habih minum urang mambawo si Rambun minum.

Mandjawab si Bujuang Rimbo : „Mamak makau ma-
lah dabulu kudian hambo sakerek“, alah minum urang
manggaleh bakato urang kasadoarjo : „O mandeh urang
nan halapau bariilah kami anak mandeh nak kami adja
injo manggaleh nan basamo si Bujuang Rimbo kesih
hana kami mulibek“. Mandjawab mandeh rang halapau :
„Kalau baitu kato tuas usihlah disabuik banjak2 kok
hanjo si Bujuang Rimbo tidak namuah hambo mamba-
rikan antah kok mati badau hambo“.

Alah sahari injo disanan sampai sapakan duo pekan
alah sampai babilang bulan.

* * *

MILIK PERPUSTAKAAN
GILAI BAHASA PADANG

VI. BUJUANG RIMBO MAMBUNUAH RADJO HANGEK GARANG.

Buai o buai kandung buai buai nak lalok rang
 buai kan salamo injo disanan lapau barambah rami djuo
 buai banjak urang kampuang banjar makan injo kaki-
 an salamo Rambun disanan djuwa bali ba tambah2
 salamo radjwa duo puluh kini lab ampek puluh rang
 kampuang sejang kasadonjo alah tigo bulan injo disanan
 adelah pado suatu hari Tuhan Allah sadang manggatak-
 kan tetagak si Rambun handak ba djalan2 handak ma-
 likak kampuang nantun dimintak izin pado mandeh:
 „Hambo tetagak ba djalan2”.

Mandjawab mandeh rang balapau: „Anak kandung
 o bujang Rimbo usahlah anak badjalan surang djago-
 kan malah Sultan Mudo anak pasang malah bendi”. Alah
 badjalan injo maso itu namun hari nan sabari nantun
 banyaklah tiku radjawan alah banjak larah ditampuah sa-
 rang radonjo pamandangan tidak tabado gadang bati
 hancu pulang bababak pulang hari Kamih sabari nantun
 alah tiba injo dirumah barisuak hari ka balai dimalau
 sarawan ba djan mamatak gulai didapua kiro2 pukua
 sapuluh malam alah djago Rambun Pamenan: „O man-
 deh dangkan malah maso hambo tak namuah lalok
 lalok kawani mandeh mamatak”. Duduaklah injo dida-
 pua bakato mandeh rang balapau: „Anak den si Bu-
 juang Rimbo anak kandung lakehlah lalok barisuak
 anak ka balai raja anak lab tahu djuo urang kok banjak

malihek ang saimono anak disiko langganan banjak ba-
rambah djuo bija sabenggo injo bopitih naik djuo ka-
lapau kito mukasuik malibek anak sadjo lahianjo ijojo
minum kopi bathianjo malihek anak kandung".

Mandjawab Rambun Pamenan: „Baiko malah hambo
lalok taragak hambo handak ba tutua2 usah sasek ham-
bo disiko bari luruih hambo batenjo dimano rumah
Radjo Aniaje nan bagala Radjo Hangek Garaog man-
deh tundjuakkna elok2 usah sasek hambo kakian". Man-
danga kato si Bujuang Rimbo mandjawab mandeh rang
balapau kok itu nan anak ranjekan nan kampuang Ra-
djo Hangek Garaog djalan nan luruih dari pasa tidak
djalan ba simpang2 kiro2 saronggak dari siko kok bu-
liah pintak ka badan ang usah sasek anak kakian Ra-
djo nantun garang bana injo tak suko diranjak urang
salah saketek dihukum pantjuang".

Bakato Rambun Pamenan: „Mandeh katokan elok2
ba'ra bana kabagakanjo". Mandjawab mandeh rang ba-
lapau kok itu anak ranjakan kaburuakkan Radjo kami
disiko tarakulo maso dahulunjo adolah pulo surang Puti
banamo Puti Linduang Bulan anak rang ranah Kam-
puang Dalam didjapuiknjo kakian djo borak dibawonjo
malah kumari alah tibo injo disiko ranjak nan butas
alanga adolah kiro2 sigo bulan diam injo diateh an-
djuang tidakanjo nanwah disikahinjo dimasukkannjo ka
pandjaro hamdjuah Debalang nan mandjago pandjaro
Puti nantun. Dilihia rantai bagaluang ditangan palang-
gu lakak pinggang barantai pulo labiah kurang sipu-
liah tabuu antah lai djuo hiduik kini antahujo lah ma-
ti ba'ito bana parasaanjo".

Mandanga kato mandeh nantun manangih Rambun

Pamenan tapi tidak dipalibekkanojo dihapuihno sadjo
ajia matonojo : „O mandeh daogakan malah salah man-
deh mamali kaju kaju barasok mandeh bali padiah mato
hambu kanai sokono kabarkan djuo malah dek mandeh
usah sa ek hambu kakian, dimano lutaknojo pandjaro tu”.

Mandjawab mandeh rang balapan : „Anak den si
Bupang Rimbo kok itu nan ang tanjokan djalan nan
lucuh dari Pasa simpang kakida djangan dituruik disi-
tu latoknojo pandjaro nantou usah sasok ang kakian.
„Anak lalok malah kini barisonk hari ka balai”. Alah
lalok Rambun Pamenan namou malam samalam nantou
suprijang tidak dilalokkan ajia mato ba darai2 takana
demodeh kanduang antah hiduik antahnojo mati ajam
bakukuak hari sirang alah kiro2 pukua aom pagi alah
dijaminak malah tungtek nan basamo Manau Sonsang
dijaminak izia ka badjalan : „Mandeh tingga malah dabu-
tu ka djalan hambu sabanta”. Mandjawab mandeh rang
balapan : „Djiko anak ka pai badjalan djagokan malah
batan Mandeh”. Mandjawab Rambun Pamenan : „Bijalah
bantan urang sadjo tidak ka lamo hambu badjalan hibo
rasenjo mandjagokan adiak kanduang sedang lalok”.

Batalan Rambun Pamenan alah sarantang padjalan-
an dek nan lambek didjalan alah tibo injo di Pasa di-
carok djalan nan kakada labuah pandjang bakalalain
padjang aneh ba tumpun2 dek lamo lambek didjalan
alah tibo injo disanan dibampiri rumah pandjaro ma-
nau injo ka lawah alah tibo dirumah pandjaro batu-
djari urang nan manjago nan tuo Palimo Taduang
urang nan bagak dari katudjuahnojo .

Bakato Rambun Pamenan : „O angku urang nan
manjago bari lucuh hambu batanjo hambu nangko

dagang mularaik spo bana nan angku djago mantjabaik padang sahali surang banakan ba'a pado hambo".

Mandjawab Palimo Taduang : „O bujuang nan djo, long datang usahlah banjak2 kato djiko santano salain ang sakali lai injo batanjo den pajuang djo padang djanawi kini baitu malah dek ang hibo bana kami dek ang dek melihok rupo rantjak ang elok babaliak sadjo tidak ang danga baritonjo babaso kami urang bagak ikoluh injo Palimo Taduang nan tidak lajua kana panch nan tidak mamadang lawan".

Mandjawab Rambun Pamenan : „Kok baitu bana kato angku tolong djuo angku kabarkan siapa bana urang didalam mangko sangak didjago bana". Galak usengeng Palimo Taduang mandanga ranjo anak nantun ka ditampang injo kok mati ka didjantak injo kok sakit dek urang Palimo Taduang dijjawab dengan sabunonjo : „O bujuang nan rantjak nangko dangakalah dek ang bujuang mangko kami djago bana mantjabaik padang sahali surang mandjago Poti Linduang Bulan anak rang ranah Kampuang Dalam dahulu tunangan Radjo kami injo nan tidak manuah kawin dengan Radjo kami disiko dimasuakkanjo kadalam pandjoro alah sapuluah tahun kito2 lamonjo".

Mandanga kato nan bak kian manangih Rambun Pamenan : „Kalau baitu kato angku tolonglah bukak pandjoro nangko hibo bana hambo mandangkan ba'a bana rupo urang nantun". Matentak Palimo Taduang maubulatang rupo misonjo sarupo ula ka mantjotok sarato hariak suaronjo : „Djiko itu nan ang katokau pantangan hapak den nan ang sabuik tidak ang danga baritonjo kok sakali lai ang batanjo makan pajuang lenjo lai".

Bakato Rambun Pamenan : „Kan baik Allah lah angku tolong djuolah bukakkan kok lai pahibo dirang dagang“. Mambangih Palimo Taduang dibukak padang djana-wi dibuwangjo langkah nan suwok padang djana-wi mamutuab rantai padang salaweh daun pisang ueph djo ratjuu diodjuangjo. Dipantjuangjo Rambun Pamenan kununlah Rambun Pamenan padang ka tibo ijo hisakkan tibo ditunggak pondok djago alah runtuh malah rumah djago.

Bakato Rambun Pamenan : „Djiko angku sakuat angko tidak guno makan gadji elok angku pai baladang babihkan kaju gadang kerek itu nan banjak ka-ustangan“. Mambangih pulo Palimo Taduang dihimbaujo kawao nan baranam : „Gaduak bana anak rang iko marilah kito patindjukan nakojo tahu dimasin garam nakojo tahu dipadeh lodo“. Alah dipatindjukan ba samo2 satengah mamantjuang djuo satengah malatjuik djo batu. Lipeh dikaki nan sutang didjawek pulo dek nan lano alah hampeli mahampehkan alah ba tikaman dek lamo raso bajekak alah pajah Rambun Pamenan hangok lah sejuik2 sampai tidak tahu dibadan lai dek urang nan batudjuan malihkek si Rambun alah pangsan galanglah hari samuanjo.

Sadang dek Rambun Pamenan datanglah mimpi waktu itu utanglah uniak rang paladang bakato injo kapado si Rambun : „Bujuang kau ang lai batuogkek kau ado dirangan ang lajuik malah djo tungkek nancun“. Mumpi babih awak rasitak alah duduak Rambun Pamenan sanang rasonjo pamandangan lalu badiri haojo lai kununlah urang esa batudjuah malihkek lawan alah babih djuatindjukan sakali lai.

Sunan bakato Ramban Pamenan : „Kini baitu malah diangku dangakan malah denai katokan kok laira-tjinto pado dunia kok lai sajang diaok hini kok lai lamak djuo nasi eloklah angka babatjak pulang suruiklan hari ka nan bana kan baik bantelah angka djika salorong badan hambo salangkah tuatu dari djang-djang sadjak satampok dari tanah nak mantjaci bantuang nan buto”.

Mandanga karo nan bak kian bangililah urang katudjuahnjo diambiak batu dilatjuikkan bakato Ramban Pamenan : „Kini baitu malah dek angku dangakan malah pantun sabuwah :

Ramilah pasa rang Pitalah
rami nan sedang tanguh hari,
Alah panek dagang dek baralah
kini mambalah hanjo lai.

Pantun sampai tuogkek diambiak dilatjuikkan kapado Palimo Taduang alah kanai Palimo Taduang tungkek tibo injo tagolek alah djarumbu2i sarupo ajam kanai tokok sarupo tjatjang kanai pangkuo sedang dek urang nan baranam dilihek Palimo Taduang alah maiti bakato Marantun Mansu kapado Ampang Basi : „eloklah kito lari pandjang tidaklah mungkin ka talawan”.

Alah lari urang nan baranam alah tadjrambok injo lari hiduang tasanguik lari djuo dek kantjang injo bulari tidak tampak uang ka tabampuah tibo dirumah Radjo Hangek sarato tibo injo manjambah : „Ampuntah Tuanku Radjo kami ampun haribu kali ampun kami kan mandjago pandjato datanglah sarang anak kerek rantjak nan bukan alang2 disuruhhojo bukak pintu pandjaro tu alah bangih Palimo Taduang sampai sakali duo

kali dek angku Palimo Taduang dibukakojo padang gadang dipanjunganjo anak rang nantun padang ka tibo injo mabilak tibo dipondok rumah djago sampai runtub rumah nantun kami patindjukan ba samo2.

Alah sampai lunak hadannjo sangko kami injo alah mati kironjo hidaik pulo babalisk alah tagak pulo injo dilatjuiknjo Palimo Taduang kini lah mati guru kami itulah sebab kami kamari pulang maklum pado Tuanku".

Mandanga kato nan bak kian marentak Radjo Aniajo sangaik bungih bana injo : „Subao sadjo kalian gadang anak kerek tidak talawan". Alah badjalan Radjo Aniajo dibawenjo padang sabuwah badjalan ba gutuik2 dipaluruinjo sadjo kapandjaro.

Dek lamo sampailah gatan dilihek ijo bana anak kerek sedang duduk ditakek mat bakato Radjo Aniajo : „O bujuang nan djolong datang apo sababnjo urang dibunuah kioi baitu malah dek ang hibo bana deo nalihik rantjak ang nan mati nangko tidak ka hidaik eloklah ang babaliak pulang sangaik sajang den di ang kok sampai makan padang nangko barapolah tangih mandeh ang".

Mandjawab Rambun Pamean : „Dengarkan malah dek angku kok lai angku urang pahibo bukakkan malah pintu pandjaro nangko niat hambo handak batamu dengan urang nan didalam pandjaro ko serupo siapolah gatan rupanjo".

Mambangih Radjo Aniajo : „O Bujung nan rantjak nangko mah ang saboik dua kali marangeh bulu mandangkan itu pantangan niniak mojang den tidak ang janga baritonjo awak den Radjo Aniajo banamo Radjo Hangek Garang mambunuah tidak mambangun kini

baitu hanjo lai sajang den dirantjak ang eloklah ang babaliak pulang salorong Palimo Taduang kok mati ki-ro kubuakan elok badjalan ang dari siko".

Mandjawab Rambun Pamenan : „Kini baitu malah dek angku singkokkan djuo pintu naangko sangaik ta-tjinto handak batamu kok angku tak suko mambukakan namun hambo ka pulang balun", diragangojo djuo kuntji nantua sanan mambangih Radjo Aniajo.

Alah ditjabaiknjo malah padang diasak langkah nan kanan lalu dipantjuangnjo Rambun Pamenan. Sadang dek Rambun Pamenan padang ka tibo injo mabilak alah tibo ditunggak rumah pandjaro alah runcuah tunggak nantua. Bakato Rambun Pamenan : „Patuk bana angku mandjadi Radjo djiko angku sakuat naangko eloklah angku baladang ubi nak banjak dapek kauntungan".

Mambangih Radjo Aniajo dilatjuik sakali lai padang ka tibo injo mabilak. „Kini baitu malah dek angku alah panek hambo dek batalah tapi kok buliah pinak hambo eloklah angku bapikia bana kok rakana djuo dianak hini kok sajang djuo pado dunia eloklah angku babaliak pulang djiko salorong badan hambo tidak manantang babaliak pulang", katonjo Rambun Pamenan.

Mambangih Radjo Aniajo dilatjuik djuo ba ulang2 bakato Rambun Pamenan : „Hambo mambalah hanjo lai angku tilakkan njawo kini?". Diambiak malah tuogkek dilatjuiknjo Radjo nantua alah kanai badan baliu togo-lek Radjo Aniajo alah gabajzi lamo sabanta antatonjo lah mati Radjo Aniajo sadang Dubalang nan baranam injo manjambah ka anamnjo : „Ampunlah kami tuan ka-tjiek kami manuruk kasamuanjo tidak baniat salah lai". Hiru biru urang dikampuang alah tabu urang sanagariojo

babaso Radjo Aniajo alah mati.

Bakato Rambun Pamenan : „O mamak urang nan baranam kini baiku malah dek mamak tolong bukakkan pintu pandjaro taniat bana dalam bati bandak batamu djo urang nantun“. Sadang dek urang nan baranam alah diambiak malah kuantji dibukakkan pintu pandjaro alah masuak Rambun Pamenan tudjuah lampih pintu kadalamojo alah tibo injo didalamojo lalu diramuinjo mandeh kanduangjo bakato Rambun Pamenan : „Tolong bukak rantai nantun“. Sadang Dubalang nan baranam dibakak rantai palunggu tangan maauurik dagiang kana i rantai malibek mandeh samatjam ieu mananggih Rambun Pamenan bakato injo maso itu : „Sampaikan bana sajang mamak tjarikan malah injo kurisi“.

Kunonlah urang nan baranam alah ditjari malah kungsi dibawa kapado tuah katijak di aleh djo daun pisang diduduakkan ateh kurisi diraso badannjo banyek djo tapi tidak tahu diditilai mahimbau Rambun Pamenan : „O mandeh djagolah ba'a“. Sabuwah tidak bawahuti : „O mamak urang nan baranam sampaikan bana sajang mamak tolong bantakan urang naungko hantakan karuab mandeh tang balapau ijolah mandeh Sultan Mudo“.

Baraplah urang nan baranam alah dibawonjo si Linduang Bulan didagang sadjo dikurisi dek lamo lambeke dijalan alah tibo injo dipisa alah naik malah kalapau takadpek mandeh tang balapau anak kaoduang si Bujuang Rimbo lamo bana anak badjalan urang di mana anak bawo mandjawab si Bujuang Rimbo : „O mandeh urang balapau ijolah iko urang nantun nan mandeh ketjukkan tahi malam nan banamo Puci Linduang

Bulan hambo djapuik kadalam pandjaro dek hibo ham*
bo mandangkalan". Bakato mandeh raug balapau: „Anak
kandung si Bujuang Rimbo barani bana anak kakian
tidakkoh tahu Radjo Hangek Garang sabab mangko bu-
liah dibawo b'ra kato anak ma'ambiakojo tjubo tarang-
kan pado mandeh kok tahu Radjo baiko kok datang
injo kamati dipantjuangno kito kasadorjo Radjo nantun
sangaik garang”.

Mandanga kato nan bak kian mandjawab Dubalang
nan baroam: „Kok itu mandeh tarjokan Radjo kito
ijo lah mati dibunuah anak mandeh mangko barani bana
anak mandeh”. Sadang dek mandeh raug balapau du-
duak tamauang mandangkalan bapikia didalam hati la-
mo sabanta aoratonjo tapek Pangulu dalam nagari sa-
rato Manti djo Dubalang alah babuni tabuah Larangan:
„Radjo kito ijo lah mati siapa diambiak ka gantiojo”.

Mandjawab Pangulu sado nan tapek: „Djiko sesuai
mupakat kito tantangan ganti Radjo kito kudjian kito
pakatokaan baliu alah dikubuakan mupakat kito dahulu”.
Mupakat Manti djo Dubalang mangubuakan Radjo Ani-
ajo alah ditjari rati gadang alah didjarek libia baliu
lalu dibirik hanjo lai dibuwaangkan ka Muaro urang lah
banji kasadorjo mandanga baliu alah mati malapeh
niat urang nan banjak bahati gadang samuanjo. Sadang
dek Radjo nan mati nantun tidak tamakan injo dek ikan
bangkai batambah busuak djuo lalu baliu dikubuakan.

* * *

VII. RAMBUN PAMENAN B A T A M U D J O MANDEH KANDUANGNJO.

Mupakatah urang dinagari mantjari urang nan ka djadi Radjo tidak lamo raso mupakat dapeklah kato nan sasuai alah saukua kasadonjo bulek lah buliah digolekkan pitjek lah buliah ditajangkan antah kok injo tidak namuah didjadikan Radjo disiko. Alah putuuh malah mupakat urang badjalan kasadonio karumah mandeh rang batapau baru tibo urang disanan manjambah urang kasamuanjo manjambah Manti djo Pangulu : „Mamintak maraf kami nan banjak tuan katjiek si Bujuang Rimbo Radjo kami lah tuan bunuah tidaklah dapek ka gantinjoo kini baitu malah dek tuan. Samupakat kami kasadonjo tuan diangkek mandjadi Radjo kami tuan nan patuik ka gantinjoo tidak dapek tuan mahilak”.

Mandjawab Rambun Pamenan : „Mano sagalo Ni-
oak Mamak aluran bapak dengun mandeh aluran ka-
kak dengun adiak mamintak maraf hambo banjak2 dji-
ke itu mupakat angku sapandjang pikiran hambo surang
hambo mangko urang djawuah”. Bakato Manti djo Du-
balang : „Mamintak kami kasadonjo djangan batang-
guah tuan katjiek”.

Alah panek tangka batangka alah puweh ba bin-
rang2 awak tak buliah batanguah lai suko djuo ka-
vuduhantjo alah diangkek mandjadi Radjo bagala sabari
itu go bagula si Radjo Mudo alah sanang utang nagari
Radjo hibing alah baganti kini lah dapek Radjo baik

ruponjo rantjak tidak tabado.

Alah sahari duo hari habihlah bati babilang pakan habih pakan babilang bulan didjelaskan malah parentah djawuah laionjo pado nan sudah batuka bana dari nan dahulu nagari alah batambah rami djuo lorong kapado Radjo Mudo muluik manih baso katudju awak rantjak kalakuan elok sangaik katudju dek nagari sariklah rasonjo panukari djataglah urang nan ka manjarjek.

Alah sabulan mandjadi Radjo sadang dek Radjo Mudo bakato pado maodeh rang balapau: „Kini baitu malah dek mandeh tolonglah ubek urang nangko ijolah Puti Linduang Bulan”. Sadang dek mandeh rang balapau alah dirjari malah dukun lalu diubek sado nan sakit.

Sabulan lamonjo barubek alah baransua sehat djuo disudukan djuo malah bubua alah duo bulan kalamonjo alah pandai mangirahkan mato tigo bulan lamo barubek alah ramakan malah nasi tapi badan lunak djuo baru adolah kiro2 limo bulan alah sanang kironjo badan sanan bakato Puti Linduang Bulan: „O kakak urang balapau heranlah hambo mamikiakan hambo kuo didalam pandjaro siapokoh urang nan maogaluwakan”.

Mandjawab mandeh rang balapau: „Djiko itu atjak tanjokan nan mandjapuik atjak ka pandjaro ijolah anak kanduang hambo nan banamo si Bujuang Rimbo kini injo alah djudi Radjo ijo didalam nagari nangko Radjo dahulu alah mati dibunuah dek anak kanduang”.

Mandanga kato nan bak'kian mandjawab Puti Linduang Bulan: „O kakak urang balapau tolonglah himbau anak kakak djo apolah gunonjo ka dibaleh”. mahimbau mandeh rang balapau: „Anak kanduang si Bujuang Rimbo anak kamari den batokan atjak nangko

manjuruah datang", alah datang si Bujung Rimbo.

Bakato Puti Linduang Bulan : „Anak kanduang si Bujung Rimbo apkoah sababujo soak kanduang mangko ditolong badan hambu iko hambu kan ijo didalam pandjaro djo 'alah guoo ka dibalah tidak hambu sangko ka hiduik lai manantikan mati sadjo lai”.

Mandjawab si Bujung Rimbo bakato sambia manangih : „Kalau itu mandeh tanjokan sabab mangko hambu djapuik mandanga mandeh dipandjaro sapuluah tahun kifo2 lamonjo karano hambu urang dagang mandehpuo urang djawuah pulo”. Bakato Puti Linduang Bulan : „Kalau berru anak kanduang dimano bana kampuang anak dimano dusun djo nagari tarangkan djuo pado mandeh”.

Mandanga karo nan bak kian mandjawab si Bujung Rimbo na bagali Radjo Mudo : „Lorong kapado tanjo mandeh mananjokan dusun djo nagari mananjokan kampuang djo bataman tidak takana lai doh mandeh sabab lah gadang dalam rimbo. Tapi kok buliah kandak hambu bati luruah hambu baranjo dimano bana kampuang mandeh baikoh dudu mandeh baranak tjuo tarangkan pado hambu bati asonjo mandeh kamari”.

Sedang dek Puti Linduang Bulan mandanga kato si Bujung Rimbo manangih ta sadu2 takana di anak kanduang sedang manangih injo bakato : „Dangakan maha anak kanduang lorong kapado diri mandeh kok itu anak tanjokan rantang nagari kampuang mandeh na ditamb Kampuang Dalam kok anak Budjang tanjokan ijo lai mandeh baranak nan gidang banamo Puti Kano Pinang na ketek banamo Rambun Pamenan. Takalo maso dahulunjo mulo2njo badan ka masuk pan-

djaro kan samaso si Rambun kerek ditinggakan sedang barek manjusu datanglah Radjo mandjapuk mandeh bagala Radjo Hangek Garang karamo tidak buliah ba tangguh2 dek rakuik mandeh pado Radjo pai djaro hambo dibawonjo.

Baru tiho mandeh disiko dipasonjo mandeh lawia tapi mandeh tidak namah dimasukkannjo mandeh ka pandjaro sabulan mandeh masoek pandjaro ado hambo mambuwek surek pado anak nan baduo berisikan tjintjin duo bantuak hambo kirimkan ka si Alang Bangkeh antah lai sampai surek nantun tidak hambo mandapek kaba sampai ka sa'ar iko kini".

Dek urang Rambun Pamenan mandanga tjarito mandeh nantun aja mato ba darai2 djatuah tjiek djatuah duo bak maniak putuik talinjo malibek si Rambun manangih bakato Puti Linduang Bulan : „Apo sabab anak manangih kabarkan malah pado mandeh". Mandjawab Rambun Pamenan : „Sababnjo hambo mangko manangih saketek tidak ado balain satitiak tidak barubah dangakan malah dek mandeh : „Tarakalo maso dahulunjo hambo kan pai mamikek ijo ka ateh bukit Gunung Lenggo hari nan sedang tengah hari alah taraso paruik litak alah disangkuiikkan pulo balam bakulit si Alang Bangkeh mandjawab badan nan malang ko : „Adiak kauduang si Alang Bangkeh bakulit malah sakati lai injo binggok dikaju nantun didjatuahkaonjo surek sapu-tjuak dek hambo badan nan malang diantiah malah surek nantun lalu dibukak hanjo lai bariis tjintjin duo bantuak surek dibatjo maso itu tidak ado pandjang pakabaran pendek sadjo isi surek nantun : „Kapado anak nan baduo nan gadang si Rono Pinang nan kerek Ram-

bun Pamenan ijo diranah Kempuang Dalam.

Kok sampai hadan ang gadang tuntuikkan djuo man mandeh mandeh rakuruang dalam pandjaro dikucuang Radjo Aniajo dalam nagari Tjamin Taruih sabab tak pamuah ditikarungo. Alah sudah surek hambo barjo di-tuah bedarai aia mato manangih hambo dalam rimbo sarato ma latjuik2kan tangan ma hampoh2kan diri alah tahu hambo dibedan hambo pai babaliak pulang.

„Kini baitu malah dek mandeh usah bitjaro kito pondjangan kalau baitu rapo2ojo lupo malah mandeh dihambo kan hambo nan banamo Rambun Pamenan ijelah harubo anak nan ketek dek sangat rajjinto pado mandeh itu sahabnjo hambo kamari”.

Selang dek Puti Linduang Bulan mandanga kato nan bak kijan manangih Puti Linduang Bulan diambiak suak dejuomi lalu dipatuak dipangkuajo dipatuak injo ka haribatan ba guliak2 injo manangih buni ratok ba bawah? buni tangih nan deju2 buwah pantun ba hibo2: „Anak kanduang Rambun Pamenan tidak disangko ka hiduk lai ketek baw anak den tinggakan tigo bulan baru didunia tidak disangko ka sampai kamari lai moh hilang ka bajari lai moh luluih ka baslam. Anak kanduang Rambun Pamenan lai sabawah nan den rusuahkan bak kito alah batu nan arjak ang dimano kini kok lai djuo njo hiduk kini batu lah koh injo garan ka senai malah hadannjo injo kan sajang kapado ang ja Allah baslah injo kini”.

Mandanga kato nan bak kijan mandjawab Rambun Pamenan . „O mandeh dju den di mandeh mandeh kanduang djuajo hambo salamo kami mandeh tinggakan sa-ketek tulak baluri sajang rusuh sadjo sapanjang hari

ġjo bana bak pantun urang :

Salamo rumpuik tasia
babelok djalan rang kabalai
samalam di Batang Hari,
Salamo hiduik ateh dunia
nan elok balun kami rasai
nan buruak sadjo sapandjang hari.

Dangkaan djuo malah dek mandeh :

Sarodjo raminjo pagi
rami dek anak kampuang Pisang
kabalai rang kampuang Tiberau
hari nan sedang tengah hari
pulang malakik pukua tigo,
Untuang hambo dimusia kini
tampai hiduik bagalak urang
adang2 minum ka lapau
kok duduak di tapi2
dimintak nasi sabalah sadjo.

Duduak djuo diareh pintu
mahadok djuo ka Muaro,
Dalam saribu sariklah satu
djarang saburuak untuang hambo.

Karimbo atjek kek banjak
bataduah dilakek kandji,
Kok tidak ibu djo duusanak
makan kalapau badan lai.

Mamukek urang tantang lorong
kanailah anak matjo adji,
Kok tidak garudo nan manolong
tidaklah sampai anak kamari.

Lorong kapado mandeh rang balepau mandanga urang

mananggih balarilah injo masuk rumah dilihék si Bu-
juang alah mananggih sangatalah heran rang balapau apo-
koh sabab karanonjo alah dilihék dipandang alah tapa-
ham didalam hari iko agakojo urang nan alah batamu
'ijo batamu dengan anak kanduangonjo lalu diusua dipa-
reso alah depek malah katacangan mananggih mandeh
rang balapau : „Dahulu tidak anak katokan' alah ba-
njak kali diranjokan siapa namo mandeh waak tapi anak
mambuni djuo”.

Marutoklah mandeh rang balapau dek lamo lambek
nan bak kiau baranti tengih spaso itu : „Manolah anak
kanduang djanjo hambo kalau baitu kato anak sangaik
sukonjo bati mandeh tapi samantang pun baitu saketek
sadjo hambo mamintak haraplah anak pakanakan su-
pajo sanang bati mandeh disikolah kito salamonjo Insja
Allah pembati Tuhan ameh djo perak banjak dikito
anak ratap malah disiko”.

Mandanga kato mandeh nantun mandjawab Rambun
Pamenan : „Kok itu mandeh katokan itulah kato sa-
banonjo tatapi mukasuik bati hambo batang sahari duo
bati ka babaliak palang kami dahulu malihék kakak
kanduang hambo alah lamo bana hambo tinggakan an-
tah hiduik antahonjo mati kok hiduik ba'alah garaa ki-
ni baitu malah dek mandeh kami mamintak pado man-
deh dengan baribu kali mamintak rilahkan djariah pa-
jah mandeh ijo bana bak pantun urang :

Bilaha kapa Sirantiah

kapa si Asuik bandak ka Djawo,

Rilahn mandeh baragiah

kami manompang hiduik sadjo.

Mandanga kato Rambun Pamenan mananggih mandeh

rang balapau : „Anak kaandung Rambun Pamenan useh disabuik tantang itu hibolah hati mandangkalan kalau manuruik kahandak mandeh disikolah anak salamonjo tidak patuik kito batjarai ka susai malah mandeh tingga”.

Manangih Puci Linduang Bulan mandanga kato mandeh rang balapau bakato Puti Linduang Bulan: „O kakak urang nan balapau kalau baitu kan baikno hilanglah aka mamikiakan tjubo timbang malah dek kakak anak hambo baduo urang nan surang ijo si Rambun nan surang tingga dikempuang banamo si Rono Piang. Dek lamo hambo tinggakan antah hituik antahojo mati bijalah kami pulang dahulu rilahkan djariah pajah kakak kok lai untuang pambari Allah salamat kami didjalan tidak manaruah kakurangan”.

Mandjawab mandeh rang balapau: „Kalau baitu ka elokojo ka bafa pulo djanjo hambo tapi kok lai buliah kabandak hambo dsiko djuo salamonjo”.

* * *

VIII. RAMBUN PAMENAN BABALIAK PULANG KA NAGARI KAMPUANG DALAM.

Birawari Rambun Pamenan disuruh guguah tabuah Larangan disuruh sanan si Selamat urang nan rjapek kaki ringan tangan. Alah diguguah tabuah Larangan sahuik manjahuik tabuah nan basjak tabuah Djumat panjodabi tekadjuik urang dinagari babondonglah urang kaxian rapek papek samuanjo surangpun tidak ado nan tiogga hadirilah Nioiak Mamak sarato Manti djo Dubalang babimpun urang gadang ketek nan dilurah datang mandaki dari bukit datang manurun.

Allahu Rabbi banjak urang sanan bakato Manti djolong pandai: „Ampun Tuanku Radjo kami djiko diganmaang kami tinggi djiko dibuwang kami djawah Tuanku djuo karugian keto bana disambakkan djuo. Apo bana salah salisah mangkonjo tabuah alah babuni tagampe raket kasadonjo apo nan salah diurang kampuang lakeh Pangulu salah hukum dimano Dubalang rabuk campak dimano rando dapik malu tarangkan djuolah pado kami nak tentu kami mamiktakan”.

Mandjawab Tuanku Radjo Mudo: „Manolah sagalo urang nan rapek usangko sarato Basa djo Pangulu dangkan malab denai katokan bukannjo salah urang kampuang bukao Pangulu salah hukum tidaklah rando dapik malu mangko tabuah babuni bana lwi sabuwah mukasok bambo ipelah bambo taragak bandak putang katuah ka Kampuang Dalam mandeh bambo oak lakeh

pulang sabab dek lamo kampuang tingga sangat rajinto dalam hati. Salorong tantangan pakaradjaan hamba putangkan pado mamak sarato urang sado nan rapek nangko".

Manjambah Basa djo Pangulu sarato Manti djo Dubalang : „Djiko itu titah Tuanku mupakat malah kami dabulu mamintak djandji duo bulan kalau lah sampai duo bulan kok ka pulang djuo Tuanku kaba' pulo djanjo kami salorong rantangan pakaradjaan mano nan suko hati Tuanku tidaklah kami mambantabi manarimo suko kasamonjo". Mandanga kato damikian mandjawab Tuanku Radjo Mudo : „Kalau baitu ka baikajo hamba rarimo djo hati suko".

Alah pulang utang kasadonjo pulang karumah masing2 sedang dek urang nagari ketjek mangetjek sapanjang djalan kapado kawan nan basamo : „Kalau di pikia2kan bana kok djadi Radjo kito pulang ijo karanah Kampuang Dalam ka kusuik malah nagariko mangko baitu kato denai tidak ka dapek nan serupo baliau nantun muluik manih kutjindaan murah rupe elok baso karudju. Samandjak baliau mamarentah balun paratah mahukum gantuang balun paranah bakasa muluik kapado kito urang nagari". „Parentah madju dek baliau nagari aman dan santoso".

Itulah pabincangan anak nagari dek lamo bakalamoan babih pakan baganti bulan alah sampai pulo duo bulan mupakatalah urang dinagari manjadiokan djamba untuak ka malapeh Radjo ka badjalan. Alah hasil sagalo nan paratah saaan manitah Radjo Mudo : „Mano sagalo Niniak Mamak sarato Basa djo Pangulu sagalo Manti djo Dubalang sarato nan rapek kasadonjo namun

dihari nan barisuak hambo ka badjalan pulang kakampung. Kini baitu malah dek nan basamo kok lai bana dibowo lalu kok dilua patuik doh rasonjo cloklah dihandjua dibowo suruik. Salorong tantangan pakaradjean gambo djiko buliah pintak hambo dikisahkan Radjo pado Suran Mudo anak dek mandeh rang balapau laikoh suko Niniak djo Mamak sarato Manti djo Dubalang sarato sugalo anak nagari".

Mandanga titah damikian manjambah rang Tjadiak Pandai ijolah Niniak dengan Mamak sarato Manti djo Dubalang : „Katau baitu djinih bitjaro didjundjuang tinggi d.kepalo sukolah kami manarimo sananglah raso paratian alah patuik injo djadi Radjo Niniakno dabulu manmentah djuo santu kini manantun djuo".

Urang lah suko kasidonjo alah diangkek djadi Radjo bagai si Radjo Mudo namun sa malam2 nantun sapitjang tidak dilalokkan rintang ba suko2 hati barisuak baliu ka badjalan pulang kakampung banjo lai.

Dek harra Takdir Allah bari pun siang hanjo lai kiro2 puku2 anam pagi dimintak izin pado mandeh ijo lah mandeh rang balapau sarato Suran Radjo Mudo baktu Rambua Pamenan : „Kini baitu malah dek mandeh barilah izin hambo badjalan sarato dengan mandeh bambu kok lai muluik nan tadorong atau parangai kok nan salah sarato taratik kalakoon haraplah mandeh maafkan rilahkan djarih pajah mandeh".

Mandanga kato damikian manungih mandeh rang balapau : „Anak kandung Rambua Pamenan sarato Putri Linduang Bulan usah disabuik duo kali salorong tantang mandeh usogko tidaklah mandeh duo hati tidak baruka djo si Bujuang ijolah Suran Radjo Mudo antah

kok labiah pado anak".

Alah manangih urang samuanjo sadang dek urang nan rapek nantuan dibarakanjo baliu bakuliliang nagari dikanan Rambun Pamenan dikida Suran Radjo Mudo ka tigo Puti Linduang Bulan ka ampek mandeh rang bala-puu mahiriang Dubalang dibalakang sarato dengan Niniak Mamak rapek papek anak nagari mahiriangkau baliu nantuan. Alah sampai ditengah pasa duduaklah urang samuanjo sarato dengan Niniak Mamak tjukuiklah Basa djo Pangulu.

Bakato Rambun Pamenan kapado Dubalang na Batampek : „Badjalan djuo malah kini2 djupuiklah kabau cudjuah ikua bawo kamari kini nangko ka baka kami didjalan rantau djawuah ka kami juruik". Sadang dek Dubalang nan Batampek didjapuik malah kabau nantuan alah disambahkan pado baliu : „Potong dek tuan kabau nangko djadikan ampek baleh potong". Alah sudah kabau dipotong bakato Rambun Pamenan : „Mano sagalo Niniak Mamak sado nan rapek kini nangko mando'a kito malah lai salamat handakanjo kami didjalan".

Sadang dek urang nan rapek tu makaolah urang ka sadonjo alah sudah minum djo makan makan sicih sakapua surang urang mando'a hanjo lai sudah salasai samuanjo bakato Rambun Pamenan : „Mano sagalo Niniak Mamak sado nan rapek dalam kampuang hambokan ijo ka badjalan barilah ma'af banjak2 kok ado urang djo piutang walaupun kato sorong lompatan kok lai pulo nan tasuruak walaupun ketek ataupun gadang sagato bapek dengan mandeh aluran adiak dengan kakak barilah djuo hambokan ma'af usah mandjadi buah rutua usah mandjadi upek pudji karano kito ka batjarai".

Mandanga kato Rambun Pamenan manangih urang kasidonjo manangih urang gadang ketek badjawek salam sanuanjo hibolah hati ka barjarai ba rangih2an sanuanjo alah pulang urang ka kampuengajo pulanglah mandeh rang balapau pulangajo babibo hati baduo deangan Suran Mudo.

Alah badjalan Rambun Pamenan baduo dengon mandeh kanduangajo dek urang Rambun Pamenan alah disaronjo garudo gadang diambiak api djo kumajan alah diambekajo kumajan putiah lalu dibaka banjo lai asok mandulang kaudaro alah dipanggang bulu garudo mamotak2 pado Allah lamo sabanta aoraronjo dek untuang takdir Allah pintak nan sadang ka balaku kahan-dak sadang ka buliah alah datang garudo gadang datanglah injo kaduonjo alah hinggak dipasa naotun: „Taragak malah anak kanduang tibo saruan pado hambo”.

Mandjawab Rambun Pamenan: „Kok itu niniak tanjokan sababejo niniak hambo saru kito ka pulang hanjo lai ikolah mandeh kanduang hambo banamo Puti Lujuang Buian”. Dek urang Rambun Pamenan alah diambiak malah tali dikabekkan dagiang kabau tudjuah potong ka baka injo dijulan alah dikabekkan dagiang nantun naik malah mandeh kanduang alah naik pulo Rambun Pamenan badan dikabekkan nak djan djaruah atah siap pulo kasaronjo bakato Rambun Pamenan: „O niniak garudo gadang kito badjalan hanjo lai”.

Sadang dek garudo kaduonjo tabanglah injo maso itu tabang ma njisi2 awan alah sahari injo tabang diberikan dagiang sapotong tigo hari injo tabang tidak tampak lai kabawah awan sadjo nan kalihatan bakato garudo gadang: „Anak kanduang Rambun Pamenan

kamano anak ka dibawa djalan manong ka kito tampuah".

Mandjawab Rambun Pamenan : „O niniak gerudo gadang kok ieu niniak tanjokan mamintak hambo pado niniak bantakan hambo kakampung ijo karanah Kampuang Dalam“.

Dek lamo bakalamoan djawah bssarang dakek djuo alah tudjuah bari lamonjo tabang tibo dipadang ribo2 dagiang lah habih samunjo bakoto gerudo gadang: „Anak kanduang Rambun Pamenan kini baitu malah dek anak sabinggong iko anak dihantakan eloklah turun anak disiko kok sampai bana kito kakampung banjak nan takuik urang kampung anak turun malah disiko“.

Dek urang Rambun Pamenan di pikin2 didalam hati raso kan ijo kato niniak lalu mandjawab hanjo lai : „O niniak gerudo gadang kalau baitu kato niniak itu lah kato sabananjo tapi lai pintak hambo kapado niniak nan baduo mintak rilahkan djariah pajah niniak lah pajah manabangkan tidak tabalah dek anak kanduang Tuhan sadjolah ka mambalah djariah niniak oia alah banjak bana“.

Alah turun Rambun Pamenan duo djo Puti Linduang Bulan lorong kapado gerudo itu sanang rasonjo pandanganan alah tabang injo babaliak ijo kadalam rimbo gadang alah tingga Rambun Pamenan badjalan ka ki hanjo lai baduo djo mandeh kanduangnjo manudju pulang kakampungnjo ijo katanah Kampuang Dalam. Dek lamo bakalamoan bampia katibo hanjo lai alah tibo ditengah halaman alah naik tjando karumah rumah gadang dikaruik lawah rumpuik halaman saungguik pandjungnjo bak rumah ditinggakan urang hibolah hati samandangi alah dihimbau si Rono Pinang : „Aejiak

den Puti Rono Pinang atjiak dimano garan kini kami lah datang kaduonjo ljo lah mandeh kanduang kito alah taragak bana pado atjiak". Himbau nan tidak basahuti dek urang Rambun Pamenan alah naik injo ka ateh andjuang lalu dibukak kulambu rumin dibukak kulambu katudjuonjo tampaklah Puti Rono Pinang sadang lalok dalam kulambu tidua bagaluang bak kutjaog didjagokan malah atjiak kanduang takadjuik Puti Rono Pinang malihok adiakno mandjagokan lalu duduak banjo lai.

Bikato injo pado si Rambun : „Adiak kanduang Rambun Pamenan ba'a lamo bana adiak badjalan sadjuk puningga adiak kanduang badan atjiak lah sakit2 sakit sadjo bakopandjangan nasi tak lala atjiak makan latiahlah badan diri atjiak lah kuruih atjiak tidak makan". Injo nan sadang mananggih djuo dipaluakno djuo adiak kanduang uja mato mahilia djuo : „Sanang bana hati adiak maninggakan".

Mandjawab Rambun Pamenan : „Kalau itu atjiak kacokan usahlah bagih atjiak kanduang mandeh kito lah tabawo usah hambo diupok djuo alah mari Radjo Aniajo adiak kanduang nan mambunuah. Pailah manamui mandeh kanduang mandeh kito taragak bana".

Manduga kato damikian alah turun si Rono Pinang alah riho ditangah rumah baramu djo mandeh kanduang ba tangih2na injo kaduonjo ba paluo2 maso itu buni tangih man daju2 tadanga sampai kabalaman sadang dek urang anak gubalo tadanga urang mananggih dituruikno tjando karumah kironjo si Rambun alah pulang duo djo Puti Linduang Bulna balari anak gubalo nan banama si Amur Djaki karumah Puti Dejang Sudah baru tiba injo ditamah bakato injo ba gulok2: „Atjiak den

Puti Dajang Sudah anto atjiak lalok djuo djago malah dari lalok ambiak malah pakajian atjiak cunangan atjiak alah tibo ijolah tuan katjiak Rambun Pamenan mandeh kanduangnjo tabawo pulo ijolah Puti Linduang Bulan". Takadjuik Puti Dajang Sudah : „Ikolah anak nan tjilako pandai bana injo batutua mandjagokan urang sadang ra-lalok. Manggaduah sadjo karadjonjo alah njato hati awak rusuah kini batambah pulo lai".

Bakato si Amat Djuki : „Atjiak deo Puti Dajang Sudah dangakan malah deuai katokan salorong rantangan kato hambo kok rak basuo nan baitu kok baduto hambo kato atjiak dibuwang djawuah diganruang tinggi djiko dipanruang namuah mati karano hambo alah malihok usahlah atjiak lalai djuo palilah atjiak kakian".

Mandanga kato Amat Djuki mandjawab si Dajang Sudah : „Kalau baitu kato adiak itulah kato sabana-njo". Manangih manggaruang pandjang maadanga cunangan alah pulang batjampua suko dengan rusuah suko ditunangan alah pulang badan nan sakit alah sehat si Kambang alah memasak nasi alah sudah pulo injo basanduak dibidangkan ditengah rumah dek urang Puti Dajang Sudah alah makan ba gageb2 saraso batamu djo tunangan alah bak raso tampak2 Rambun Pamenan.

Alah sudah pulo injo makan tapi nasi tidak talulua bakato Puti Dajang Sudah : „Kini baitu dek kau Kambang eloklah bungkuh nasi nangko sarato djamba djo djuadah badjalan kato kini neogko pai katumah mandeh kanduang ijolah Puti Linduang Bulan injo kan ijo baru datang".

Dek urang si Kambang Manih alah siap injo karadjo badjalan turun banjo lai ijolah Puti Dajang Su-

dah babuni bunjizan mantjaretjeh tupai djandjang ma-
 janguah bantiang bapawuik alah dihiliakan labuah nan
 pandjang labuah pandjang liku baliku pudiang ameh
 batimba djalan alah saratjang padjalanan tjukuik kaduo
 rantang pandjang alah tibo garan disaon ijo diranah
 Kampuang Dalam alah tibo ditengah halaman babuni
 .halam timbago takadjuik Rambua Pamenan mandja-
 nguah injo kahalaman tampaklah Puti Dajang Sudah
 giriang gumiriang aja mato malibek rupo kurnih badan
 disonsong tjando kahalaman lalu bakato maso itu :

Sitjerek tumbuhan djo kamumu
 tumbuhan sarumpun ditapiat,
 Sadjak kerek indak baramu
 sabab dek untuang parasaan.

Alah naik ka ateh rumah alah tampak si Rono Pi-
 nang sarato mandeh kanduaonjo sanan manangih Da-
 jang Sudah hapantun ba bush2 :

Tidak den eso ka bakudo
 batali djuo palanonjo,
 Tidak den eso ka basuo
 basuo djuo malah kironjo.

Banduinglah rangih maso itu takana untuang ma-
 siaang2 lamo sabanta antaronjo bakato mandeh Linduang
 Bulan : „Manolah anak katigonjo makan malah kito ba
 samo2“. Makan sesuwok duo suwok tjukuik katigo injo
 alah sudah alah marokok makan sifah bakato mandeh
 Linduang Bulan : „Manolah anak katigonjo dangakan
 malah elok2 marilah kito malapehkan niat sabab kito
 alah baramu mado'a malah kito lai malapehkan niat
 bazar kito kok lai untuang djo saratan nan baik kok-
 njo lai djodoh ka batamu djuo ijolah sarato kanduri

balek kawin mangawinkan Rambun Pamenan dengan
Puti Dajang Sudah ;

Eloklah andjalai ditampaikan
sijapo tumbuah babungo,

Eloklah bangkalai disudahkan
pado nan lain ditjeri gantinja.

Kok dikili bana tapi kain
bagubah baukia pulo

kain tanuan Suran Palangai,

Kok diganti bana djo nan lain

saroman indak sarupo

sarupo indak sapatangai.

Alah dihimpunkan sanak sudaro korong kampung
alah tjukuik hadir samuanjo. Alah basiap urang dinagari
satengah pai karimbo pai mantjari pikajuan satengah
manangkok kabau djo bantiang untuak djuadah dibalek
djamu babih mangakok karadjo masiang2. Alah hasil
sado nan paralu lalu dipasang marawa kabasaran sarato
bapajuang kuniang gadang tundo alamat Radjo2.

Halek bamulai hanjo lai rami urang tidak tabado
tjukuik permainan anak mudo2 ado djo sabuang dengan
pupuah ado barantbuang sepak rago ado permainan si-
lek djo sitaralak langkok djo tari piriang dengan randai.

Kokojo kelengkapan balek Radjo2 tidaklah ado nan
katinggalan bahati gadang kasadonjo sabab nan hilang
alah babaliak alah babunji rumah nan gadang alah pu-
jang sumarak kampung : „Kok rusuah alah hapudjuak
kok tangih alah bahantokkan“.

Alah rapek Pangulu dalam kampung sarato djo
Imam dengan Chatib tjukuik djo Tjadiak Pandai dalam
nagari mantjari kato samupakat ijo bandak mai si nan

satjaro 'adat manuruik aluran nan biasa :
Ramo2 sikumbang Djanti
binggok dirontiang madaug kalek,
Parah tumbuah ; hilang baganti
pusako djawek badjawek.

Dapeklah kato samupakat Rambun Pamenan diang-
kek mandjadi Radjo ijo ka ganti almahum bapakajo
Datuak Tumaogguang.

Tidak banda tabandakan lai
padi lah paruah dek sarok lumuik,
'Tidaklah kaba takabakan lai
api padam puntuangpun hanjuik.

T A M M A T .



899.

N